

ውዛረት ዐድል፡ እት ወራት አዳለዮት ቃኑን ወፈዓልየተ ተሀድግ



ውዛረት ዐድል፡ እት ፈዓልየት፡ ሸክል ወሰልጠት አብያት ፍርድ ለለአሰኔ አዋጅ፡ ማሌ 7 ኖቬምበር ምስል መስኡሊን ወጠንያይ ቃኑን ፖሊስ ወአምን፡ መመቅረሐት አብያት ፍርድ አቃሊም ወመሰኡሊን መካትብ ሐሸሞት

ቃኑን ሀድገት፡ ወዚረት ፎውዝያ ሃሸም እተ አስመዐተ ከሊመት፡ እሊ ለልትሸቄ እቡ መትካም አተላላይ ናይለ ቀደም እለ ለገአ ጀርቤታት ወአትሓያስ እት ገብእ፡ አተላላይ ሰዋልፍ ሙጅተመዕን እግል አክዶት

ምግብ፡ ንቃጥ-ውቁል ለአምጽአው ደረሰ ጀዋእዝ ነስአው

እት አቅሊምምግብ፡ መዳርስ ካልአይት ደረጃት ኢሳቅ ተወልዴመድህን ወልምዓት፡ ክምሰልሁመ መዳርስ ምግባይት ደረጃት ዋርሳይ ወዓውት፡ እት ናይ ሰነት 2022/2023 እምተሐናት ወጠኒ ንቃጥ-ሰኒ ለአምጽአው ደረሳህን፡ እት ዮም 4 ኖቬምበር ጀዋእዝ ሀብዩ።

እብ አሳስ እሊ፡ መድረሰት ካልአይት ደረጃት ኢሳቅ ተወልዴመድህን ምን 3 አስክ ታመት ንቅጠት 4 ለአምጽአው 22 አዋልድ አንሳት ለልትረከበ ዲዮም 40 ደረሳይ፡ መድረሰት ካልአይት ደረጃት ልምዓት ህይ ምን 3.4 አስክ ታመት ንቅጠት 4 ለአምጽአው 35 ደረሳይ መዳልያት ሀብዩ።

ዲብለ እት ክል- መድረሰት ለገብአት ዐደት ሙደራእ እትለ አስመዐወ ከሊመት፡ ለጀዋእዝ እግለ ደረሰ እግል ለሒሰት ፍገሪት ጅህድ እግል ሊደው መስኡልየት ለለአረፌዕ፡ ብዕዳም ደረሰ ህይ አሰርም እግል ልተብዮ ለለአትናይት ክምቱ ሐቆለ ሐበረው፡ ደረሰ እብለ ለረክበወ ነቲጀት እንዴ ኢልትሀመሉ ዲብ ኩልየት እግል

ለትወቀለት ዐውቲ ሰኒ እግል ልሸቀው ትፋነው።

ምዲር ካልአይት ደረጃት መድረሰት ልምዓት መምህር ሐገስ ወልዴገብሪኤል እብ ተውሳክ፡ መድረሰቱም እት ሰነት ድራሰት 2022/2023 አስክ መድረሰት ዋርሳይ-ይከአኤል ምንለ ነድኡቱም 272 ደረሰ አንፋር 35ይት-ደውረት ክድመት ወጠን፡ ለ50 ምእታይት ናይ ዲግሪ ወዲፕሎማ ንቃጥ እንዴ አምጽአው ዲብ ኩልየት ክም ተሐበረው ሐበረ።

እሊ ክእነ ዲብ እንቱ፡ መዳርስ ካልአይት ደረጃት ዋርሳይ ወዓውት ዲብለ ነዘመያሁ እሊ ለሸብህ በራምጃት፡ ዲብ ወጠንያይ እምተሐን 8ይ-ፊሰል 90 ምእታይት ወምኑ ወለዐል ለአምጽአው - እብ ዓመት እግል 93 ደረሳይ ጀዋእዝ ሀብዩ።

ሐዞት ሂበት ጀዋእዝ እግል ፈዳብያም ደረሰ ለሸርሐው ሙደራእ፡ እግል ጀዋእዝ ለረክበው ሌጠ እንዴ ኢገብእ፡ አስክለ እለ ዲብ መአምብታይት ደረጃት ለህለው፡ እግል ለሒሰት ፍገሪት ለለአትናይት ጋብእ ክም ህለ ሐበረው።



ለሀደፋ፡ ቃኑን ምስል ዓም ቴለልነ ወዐቦትነ ለገይስ እንድኢኮን፡ ምን ብዕዳም ለንትሰለፋ ክምሰል ኢኮን፡ ፈዓልየት ቃኑን እብ ዋጅብ እግል ትሰርገል ወለልትሐዜ ህደፍ እግል ልትበጸሕ ህይ፡ ክሉ አጅህዘት እብ ንዝም ገበይ እግል ልክደም ትፋህመት።

ወዚረት ፈውዝያ እንዴ አትሌት፡ እሊ እት መዓል እግል ልውዐል ርዘቅ ተጃርብ እቱ ለትአሰሰ፡ ምን ክሉ ጅንሰ ክሰሒ ሳፍየት ለገአት ቅወት በሸር፡ በቃዕት ለቡ

ሸክል ንዝም እዳረት፡ ክምሰልሁመ ቀዋኒን ለለሐሽም አሳስ ክምሰል ለአትሐዜ እት ወዴሕ፡ በርናምጅ አዳለዮት ቃኑን ወፈዓልየቱ ዝያድ ሓለት ከርሰነ ለሸፊሕ እት ታሪክ፡ ደረጃት ዐቦት እቅትሳድ፡ ወጠንያይ አውለውያት፡ ወጠንያይ ሰዋልፍ ውብዕድ እቱ እንዴ ተንክበ እግል ልትሰተት ወፈዓልየቱ እግል ትትአክድ ክምሰል ወጅበ ሸርሐት።

እት ውዛረት ዐድል ሙዲር ከደማት ቃኑን አሰይድ ሰይም ተክሌ እብ ተራቱ፡ “አትሓያስ መትካም

አብያት ፍርድ” እበ ልብል አርእሱ፡ እግል ሸክል ወሰልጠት አብያት ፍርድ እበ ከሰሰ እት ለትፈናተ አውካድ እት መዓል ለወዕለ አትሓያስ፡ ዓም አህዳፍ ወጽቦዋ አዋጅ ዕልብ 184/2023፡ ከደማት ለልትሀየብ እቱ አካናት ወየመሞት ቅወት አዳም እተ ልብል አርእሰ ህድግ ገአ።

መሻርከት እብ እንክሮም፡ ፋግር ለህለ አዋጅ ምህም ክምቱ እት ሸርሐ፡ እሊ ናይ ሕበር ወቀይ ፈዓሊ እግል ልግበእ መዳሊቱም አክደው።

መሀረጃን ኤርትራዩን ስካን ረያድ ወድዋረ፡ እብ ነያረት ልትሰርገል

መሀረጃን ኤርትራዩን ስካን ረያድ ወድዋረ - ሰውድዮ “ምስትንክር፡ ሄራር ሰባተት” እት ሐንቴለ ትብል ስቅራት እት 02 ወ 03 ኖቬምበር እብ ነያረት ትሰርገል።

እሊ እብ ልኡክ ሕክመት ወጅብህት - መስኡል ሸኡን ተንፊዝየት ጀብህት ሸዐብየት እግል ዲሞቅራሚየት ወዕዳለት አሰይድ ዩሱፍ ሳይቅ ለትፈትሐ ውበዝሓም መዋዋኒን ለሐድረው ዲቡ ናይ ሓል ወጠንያይ መትጀማዕ፡ ዕፌ ዓዳት፡ ሰሚናር ሐድረት ሐለት፡ ክምሰልሁመ በራምጅ ርያደት ለከምከመ ዐለ።

መትምሳይት ቀድያት ሰፋራት ኤርትራዩን አሰይደ ወይኒ ገረዝገሄር እትለ አስመዐተ ናይ መክሰቲ ከሊመት፡ እት ክል-ሰነት ዲብ ለትፈናተየ ድወል እብ ነያረት ለልትዐየድ ወጠንያይ መሀረጃናት፡ ምን ፋግዖት ወተጀመሩ እንዴ ሐልፈ፡ ውሕደትነ ዝያድ እግል ትተረድ፡ ሄራር ገማል ዝያድ እግል ልትደቀቡ ሐዳይስ በራምጅ እግል አፍገርት ሐዞት-ውቁል ክምቡ ሐቆለ ሐበረት፡ አበርካት ለወደው ጀህት ወመሻርከት ሐምዴ ቀደመት።

መስኡል መሕበር ጃልየት ኤርትራዩን ስካን ረያድ ወድዋረ አሰይድ ዐብዱራሕማን ኢማም እብ ጀህቱ፡ ለአወላይ ህደፍ መሀረጃን፡ አሰበቆት ዐዳት ወሰዋልፍ፡ ክምሰልሁመ መትጃባዋ ምስል ወጠን ወወጠንየት ክምቱ እንዴ ሸርሐ፡ ዲብ ልትጠወር ምጽጽኡ ምን እሊ ዐባይ-አህዳፍ ለልትበገስ ክምቱ ሳደቀ እቱ።

መስኡል ሸኡን ተንፊዝየት አሰይድ ዩሱፍ ሳይቅ እግል መሻርከት እትለ ወደዩ፡ ዲብ ሐድረት ሐለት ዐድነ ወናይ መንጠቀት ለረከዘ ሰሚናር፡ እብ መርሐለት-መርሐለት ለገብአት መጋብህት ድድ መቃወማት ፋዩሕ ተውዴሕ ሐቆለ ቀደመ፡ “አዜመ ምስጢር ዐውቴነ ዲብ ውቅል ፈዛዐትነ፡ እተሐድ



መትካምን ሰበት ቱ፡ እትሊ መጃል እሊ እብ ሕበር-ውቁል እግል ንክደም ወጅብ” እት ልብል፡ ዲብ ካርጅ ለነብር ማሕበር-ጃልያት ወመዋዋኒን መትካምካም እንዴ አትደቀበው ዲብ በራምጅ ወጠን መሻረከቶም እግል ለአትደቅቦ ትላከ።

ናይ ሓል መሀረጃን ኤርትራዩን ስካን ረያድ ወድዋረ፡ ደርሰ እድንያይት መድረሰት ጃልየት ኤርትራዩን እብለ አትዳለው አናሽድ፡ ዐዳት ወእተሐድ ሸዐብ ኤርትራዩን

ለለአርኤ ዕፌ፡ ንዳል ሸዐብ ኤርትራዩን እግል ሕርየት ወብናእ ወጠን ምስለ ሳድፍ መታክል ለሸፊሕ ጽበዋ፡ ለለአደርሰ ዕፌ ዐዛር፡ ክምሰልሁመ ምን ኤርትራዩን ለጌሰት ፍርቀት ዓዳት እብለ ቀደመቱ ጽበዋ ናይር ዐለ።

ዲብ ደንገብ፡ እብ መናሰበት መሀረጃን እግል ሐድ አሮት ወፊሕ ለአተላለ ትልህያታት ኮበሪት እገር ለተዐወተ ፈሪቅ ወእግል ፈዳብያም መተልህየት ጀዋእዝ ተሀየቡ።

እስትሸሃድ ገዲም ሙናድል ክፍሎም ዘርአይ

ገዲም ሙናድል ክፍሎም ዘርአይ ተሰፋጽዮን፡ እት ዮም 1 ኖቬምበር 2023 እት ሰሰ ወሳቢዕ (67) ሰነቱ እብ ሕማም አስተሸሀደ።

እት ወርሕ ኖቬምበር 1975 እት ቅዋት ሸዕብየ ተሕሪር ኤረትራዩን ለፈግረ ሙናድል ክፍሎም፡ እት መደት ንዳል ተሕሪር እት ጃሸ ቅታል አስክ እብ ደረጃት ቃእድ ፈሰለት፡ ሐቆ ሕርየት ህይ፡ እት ኮር 491 እብ ደረጃት ቃእድ ሰርየት እግል ሸዕቡ ወወጠኑ እብ መትሰገል ለከድመ መሐርባይ ቱ።



ገዲም ሙናድል ክፍሎም ዘርአይ፡ በዐል ፈረዕ ወአብ 2 ወሳድ ቱ።

ዓደት ቀብሩ ህይ፡ እት ዮም 2 ኖቬምበር እት መቃብር መሐርበት ዐዲ-ተክሌዛን ተመት።

ወዛረት ድፋዕ፡ እብ እስትሸሃድ ገዲም ሙናድል ክፍሎም ዘርአይ ተሰፋጽዮን ለትሰመዐየ ሐዘን እት ሸርሕ፡ እግል ዓይለቱ ወመልህያም ንዳሉ ኤማን ወሰብር ለሀበኩም ትብል።

ግብለት በሐር ቀየሕ፡ ዲብ ደማን ዓፍየት እጅትመዕ ገብእ

ፈሬዕ ውዛረት ዓፍየት አቅሊም ግብለት በሐር ቀየሕ፡ ዲብ ቃትን ዓፍየት እዲኑ ክምሰልሁመ ደሐን ወደማነት ከደማት ዓፍየት ለአተንክበት ህድግ፡ ምስል ሰብ ሽርከት ሽቅሉ ዲብ መዲነት ዐሰብ ወደ።

መስኦል ውሕደት ዓፍየት ድዋር እተ አቅሊም አሰይድ ዐብዱሰላም ናሰር ዲብ ቀደመየ ወረቀት፡ መትነፍያት ከደማት ዓፍየት እግል አርሐቦት ለገብእ ጅህድ፡ አግደ ህዬ ዓፍየት መጅተመዕ እግል አድመኖት ምንለ ልትህየብ አውለውያት ለልትበገስ ክምቱ እት ለሐብር፡ እሊ አተላላይ ወደማነት ለረክብ፡ ዲብ መአሰስት ዓፍየት ሌጠ እበ ልትህየብ ከደማት እንዴ አገብእ፡ መጋዴዕ ዓፍየት ዲብ አሌለዮት፡ ዓፍየት ወሳረዮት፡ ናይ ኩሉ ዶር ዶል ለህሌ ክምቱ ወድሐ።

ለልትርኤ አምራድ ዋጅብ ሰራይ ለረክብ፡ ወራታት ዕመማይት

ዓፍየት ዶል ትትተበዕ ወፍገራት ለበ ፈዓልየት ሽቅል ክም ትነፈዐክ ክምቱ እት ሽሬሕ፡ ለዛህረት እግል ትረቅብ ዲብ ሓሰት በዲረ ትብለሱ፡ መዓወነት ሕበር ወሕሰር ዛይድ ናይለ ክሰሰን ጀሃት ክም ተአትሐዜ አተንበህ።

መስኦል ፈሬዕ ዓፍየት አሰይድ መሐመድ አንዋር እብ ጀህቱ፡ እብ ለትፍናተ አሰባብ ለመጽእ ሕማማት፡ ሞት፡ ምስክነ ወኢመስኩበት መጅተመዕ እት አንቀሶት፡ እብ ዐቢሁ ህዬ አህዳፍ ተጠውር ዳይም ዲብ አሰበቆት ሐዞት እግል ተህሌ እሉ፡ መሻረከት ውቅል ክም ጠልብ ሐበረ።

ሓክም አቅሊም ግብለት በሐር ቀየሕ ሰፊር መሐመድ-ሰዒድ መንታይ ህዬ፡ ህደፍ ደማን ወጀዶት ከደማት እጅትማዕየት እብ ዓመት፡ ናይ ዓፍየት ህዬ እብ ፍንቴይ ተውዲሕ እንዴ ቀደመ፡ ምን መዐደይ-ሕዱድ ለመጽእ ሕማማት ወአሰባብ እግል ልግበእ ለቀድር



ዛህራት እግል ዓፍየት፡ ጀረ ምን ገብእ ህዬ ሻፍግ ረድ-ፍዕል እግል ሂበት ለትከፊ ፈዛዐት ወመዳሊት እግል ለህሌ ላዘም ሰበት ቱ፡ ኩለን ጀሃት ሕሰር እንዴ ሀቢያሁ እግል ልክደመ ክም በን አክደ።

እተ ዲብ ዮም 30 አክቶበር ለገብእ እጅትመዕ፡ ዲብ ከሀለት ድድ-አንፋሱ ደማነት ነብረ፡ ክምሰልሁመ

ሕማማት ሒዋናት ለትሸቄ 'ልጅነት' ደማነት መንገፎ ዓፍየት' እብ ደረጀት አቅሊም ቂመት።

ውዛረት ሐርሱ፡ ቅድረት መዓምል ዓፍየት ንዋይ ውብቅል ለልአደቅብ ደርሰ ተህይብ



ወጠንያይ መዕመል ዓፍየት ንዋይ ውብቅል - ውዛረት ሐርሱ፡ ምን ኩሉ አቃሊም ዐድነ እግለ ትፋገረው አንፋር መዓምል አቃሊም፡ ምን ዮም 18 አሰክ 31 አክቶበር ለአተላለ ተእሂል ጠውርሮት መቅደረት ሀበ።

እሊ እብ ፍዕል ለተለ ድሩሱ

እት ፈረጎት አምራድ ወባልዒን ንዋይ፡ ፈሐት እት በቃዐት ዘርእ፡ ፈረጎት ባልዒን እክል፡ እዳረት በቃዐት መዕመል፡ ከዚን ዐፍሹ ደማን ወመንገፎ እት መዓምል ለሸምል ዐለ።

ክድመት ወጠንያይ መዕመል፡

እት መዲድ ክሊኒካት ንዋይ ሸቂ ምንመ ዐለ፡ እብ ለትፈናተ አሰባብ ባዋር ለዐለ አሸቃሉ እንዴ አትሐሰሱ፡ እት ሰነት 2020 እበ ትነሰአት ከዋወት፡ እት ሐምስ አቅሊም መዓምል መታብዐት ዓፍየት ተዋብ ውብቅል እንዴ አቂመ እብ መቅደረት አዳም ወአላት እግል አደቀቡቱ ከድም ክም ጸንሐ ልትሸረሕ።

ለተእሂል ህዬ፡ መቅደረት አንፋር እንዴ ወቀልኩ፡ ለክዳማት እግል አደቃብ ክም ቱ፡ መንዘም ናይለ ድሩስ አሰይድ ሙኒር ወሃብ ሐበረ።

እት ካቲማለ ተእሂል፡ ወዚር ሐርሰ አሰይድ አረፋይኔ በርሄ፡ ለደርሰው እት አቃሊም ለልትህየብ ክዳማት መዓምል እግል ልጠውሮ እግል ልትጸገሞ እት ልትፋሸም፡ ውዛረት ሐርሰ እት ጠወሮት ቅድረት አዳም ምን ገብእ ወአላት ሐዞተ እግል ቱዴ ክም ቱ አክደ።

ጀርመን፡ ወጠንያይ መሕበር አንሳት እጅትመዕ ተቅዩም ወዴ

ወጠንያይ መሕበር አንሳት ኤረትሮፕ ፈሬዕ ጀርመን፡ መመቅረሐት 21 ቅስም ለሐድረያሁ ተጅሚዕ ዲብ ዮም 20 ወ29 አክቶበር ዲብ መዲነት ማንሃይም እጅትማዕ ወደ።

እተ ወራታት ሰስ ወሬሕ እግል ለቀይመ ወዲብ ናይ ሓድር ተዩልል ምሃም እግል ልህደገ ለወደያሁ እጅትመዕ፡ ርኢሰትለ ፍሮዕ አሰይደ ልኡል ተወልዴ እተ ቀደመቱ ተቅሪር፡ መሻረከት ሻባት እግል ትትወቀል ልትከድም ክም ሀለ ወለፍገራት ሰጃየት ለትህይብ ክም ተ አብርሀት።

መመቅረሐት እብ ጀህተን፡ ዲብ ሰርገል ወቀይ ዲፕሎማሲ ገበል ወሚድየ መሻረከተን ዛይደት ክም ዐለት እት ቀይመ፡ አዜመ እትሊ መጃል ዶረን ክም ለአተርደ ገለድ በይአየ።

ለመሻርከት ዲብ ቀደመያሁ ተቃረር ሐቀለ ወደያሁ ህድግ፡ ናይለ ተሌ ካልኣይ ሰር ሰነት ኤታን ሽቅል አፍገረየ።

ቁንሰል ዓም አሰይድ ክብረኣብ ተኸሰቱ ወመስኦል ሽኡን ጃልየት ወቅደይ ሽዑብ አሰይድ ካሕሳይ ተወልዴ እብ ጀህቶም፡ ወራታት መሕበር ለሰዴ አፍካር ቀደመው።



ባንክት ደም ኤረትሮፕ፡ ዝያድ 10 አልፍ ውሕደት-ደም እብ ተበረዓት ረክበት

ካሬ ወደማን ለቡ ደም እግል አክዶት ፈድለ ገአ ጅህድ፡ እት ሰልፋያም 9 ወርሕ ናይ 2023 ዝያድ 10 አልፍ ኪስ ደም እብ ተበረዓት ክም ትረከቡ፡ ሚዲካል ዳይሬክተር ወጠንያይት ባንክት ደም ዶ/ር ዮውሃንስ ተኸሰቱ ሐበረ።

ለሰታት፡ 9 አልፍ ውሕደት (ዩኒት) ደም እግል አክቦት ክም ዐለ ለሸርሐ ዶ/ር ዮውሃንስ፡ ምስል መሕበር ወጠን መትበረዐት ደም እብ ምራድ-ኖስ እት ልትዓወኖ እበ ገአ ጸገም ላኪን፡ 10,144 ውሕደት ክም ትጀመዐ፡ እሊ

ህዬ እብ 13 ምእታይት ዝያድለ ስታት ክምቱ አትአመረ።

እብ አሳስ እሊ፡ ደዓም እት 9 ወራሕ ሐድ 74 ምእታይት ጠለብ ደም እስብዳልያት ዐድነ ምን ወጠንያይት ባንክት ደም ክም ትረከቡ፡ እት ሰለስ ርዕዕ ሰነት ዮም ዓመት ህዬ እት 80 ምእታይት ክም ዚደ፡ ዶ/ር ዮውሃንስ ሸርሐ።

ለትበረዐው ደም በቃዐቱ ወደማኑ እግል አክዶት ለትፈናተ መርመራታት ክምሰል ገብእ እቱ እት ሽሬሕ ህዬ፡ እት እብ ተበረዓት ለትሐየበ ዝያድ 10 አልፍ ውሕደት እበ ገአ ፍሐሱ።

0.09 ምእታይት ኤች/ኣይ/ሺ ኤይድሱ፡ 0.1 ምእታይት ሰፊር ምን ኖዕ 'C'፡ 0.4 ምእታይት ሰፊር ምን ኖዕ B ክም ትረከበ ዲቡ ወደሐ።

ዶክተር ዮውሃንስ እት ደንጎቡ ወጠንያይት ባንክት ደም እብ ትሉሉይ እበ ገብእ እሊ ናይ ከርስ ኦዲት፡ እብ ሰፋየት ጽበጠ እድንያይት ኩቡቱ ክምበ እት ለሐብር፡ ዕልብ ናይለ እብ ገበይ ንዝም እብ ምራድ ኖሶም ደም ለልትበረዖ አንፋር እግል ሊዚድ እብ መትሰባል ልትከደም ክምሰል ህለ ሐበረ።

እፈትሮፕዕጃላስ

ክል አርቡዕ ለትጠ'በዕ ጀሪደት

መዳልያይ፦
- መሐመድ እድሪስ

ለይአውት ወአርተዖት
* ዘህረ ዐሊ
* ፋዋን ኣድም

ተለፎን፡ 121797/07121322
ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡ 200454

አትአመሮት፡
ተለፎን፡ 125013፡ ዕ.ሰ.ቡ፡ 1284

(8^ይ ክፈል)

ሻም ሕዋሌ

በልቅሴ “ናስር ምስል አርወሐትከ አትአምረኒ፡ ሐኑ ክምስል እንተ ወምሰኒ ሐቶ፡ አናመ ቃውዋት ይህሌኩ። ላኪን አዳም እብ ክምስል እሊ መናሰበት ለሐሰ በክት መትአማር ሰበት ረክብ፡ እሰልፍ አሰናይን አናመ ወእንተ እብ አሰባብ ህዳይ ጣህር ሐቶ ምንዲ ትአመርኩ። እሊ እነ ሌጠ እንዴ ኢጉበኤ፡ ክሉ እግል ለሐምደክ እቱ ለአስትህል። አነ ህዬ፡ ከንዶእ ምን ሰልፍ ረአየኹ እግልክ እብ ሽዑር ሻም አቅመትኮክ ኢትጽበጥ እኹ። ሚ ወለት ተ ክልኤ ዕንክ እግል ኢትአፍግር ተአፈርህ? ክምስል ትብሰኒመ ሽክ አለብዬ። ላኪን አናመ እት ዶንክ ሻማትክ እምበል እጃዘትክ ትጸወንኮ ሰራዬ። እሊ ህዬ እንተ በጽሕ ወሬክ ክምስል እንተ እንዴ ኢተአስእሲኒ አምረት ህሌኩ። ወእሎምመ ውላጄ አክለ “ይመ” ቤለውኒ ትትፈክር እቶም ክምስል ዐልክ በይን እግልዬ። ላኪን ሻም ለልትበህል ሺኤ፡ ከንዶእ እንዴ ኢኮን፡ እት እዴ ለጉበኤ ወእት ሕርዶን ለለአበጽሕ ሽኤ ኢመሰሰኒ። ቀይድ ወልጃም እንዴ ወደ እኹ ከእብ ሰለሰል ሐጺኑ እግልክ አሰፈኒ በሪ ወዴኩ። እብ አከጀህ ላቱ ይእተምኔኩ። ወእት ሰሕታን ሼጣን እንሻአላህ ይእካፊኩ። እብ ሕርዶንክ ወምራድክ ምን ዓለ ሻምክ እግል ተአስተኒ ናይ ክል ዶል ትምኔኹ እት ሐያት ተ። ጽምእት ሻማትክ አነ ናስራይ። ጽሙእ ልሰቱ እብ ምራድ ፈታዩ፡ እንዴ ትቤ ባባት ልብክ እግል ተአርሐ እግልዬ ሰአየኹ እትካተ። ዓለ ሻምክ ጽሪት ክምስልታመ ምነ አማተ ልብክ ወለ ሰፋዩተ ወቀይክ አምረት አኑ። አይወ! እለ ለእግለ እብለኩ። ፍቲ! ፍቲ ! ልብዬ አሰር ሻምክ ወጠዳይ አማውርክ ገብእ ምንዬ መንበ። ሚ ትወዳኒ!? አርወሐቼ እት ሐፍን ክልኤ እዳክ ክሪት ህሌት። አድሐንካህ ምንዲ ገብእ ሰአየኹ እትካተ፡ ወለ ኢጉበኤተ ፍዝክ ጋብኢት ህሌት። እብ ኮፎ ቱ ገብእ አዳም እግል ሻማት (“ሻም ዐዛብ ለእት ቀብቱ ለዘት ወጠዐም ሐያት”) ለልቡሉ። አነ ላቱ አስክ እለ ሳዐት እለ እምበል ዐዛብ ጠዐሙ ኢደሌኮ ወለዘት ይአትዛወርኩ። “ሕትክ በልቂሰ እት ዓለ ሻማት ሽምት ክምስል ህሌት፡ ገሌ ልብክ ዳልዩት እግልክ ህሌት ገብእ?” ቴሉ።

ከበልቂሰ እግል መትአመሪ ለአስተብዱቱ ሽርሐ እብ ሰአል አትመመቱ እግሉ።

ናስር ረአሱ እት ጣሰሰ ለእለ ልብል ትቀዌት እቱ መስኪናይ። ሐሬ ህዬ እት ልትዓከክ እብ ክእነ ህቱመ ምስል አርወሐቱ አተአመረዩ።

“ሰኒ፡ ዐባይ፡ አነ ናስር ሰዐዲን እትበህል። ሰልፍ ደረሳይ ሻም ክምስል አኑ፡ እንዴ ይሐብዕ ምስል ነፍሼ እግል አትአምረኪ እፈቱ። ብክር ሻምዬ እብ አሰባብ ዝሩፍ ሐያት ማሌ ገበይ ዐለዮ ካተረት ምንዬ። እንብዕይ ዝፍት ይህሌት፡ ወሰንርብዬመ ሕያይት። ህተ ግረ ሐቆ ሀበተኒ ህዬ፡ ምስል ደሚርዬ ሐቆህ እግል ይእፍቱ ለትጋለድት መሰሰኒ። መሰሰኒ ሌጠ እንዴ ይእጉበኤ ላመ አማን ህታተ ሌጣ፡ እምበል ሽኩ። ላመ እግልዬ ወእግለ ለፈናቱት፡ ካልእ

ኢኮን ተዩልል መናበረት ሌጣ ቱ። ደሚረ ወልበ ምስልዬ እንዴ ሐድገቱ ከላሊ ወአምዕል ምን አሕድ እንዴ ኢትፈንትዮን፡ እብ ደሚር ልብ እሉም ወምን ፈታዩ ዝሉም ክልኤ እግረ እት ትሰሕብ ገበይ ዐለዮ ንሰት። አቤ! ለኢተአስትህለ ሳብሪን ለአሚንት ወለ ሐኒነት። ላመ “ሻም ለዘቱ ወጠዐሙ እብ ዐዛብ ለትከለባ ቱ” ለልቡሉ ለዘቱ ወጠዐሙ ምስል በዐል ሻምዬ ለአትዛወረው እግል ልግብኦ ቀድሮ፡ እብል ረቢ ሽር ሐሰት ልክለኢ። ሻም እግል ናስር ዐዛብ፡ ትርሃን፡ ህላዮ፡ ኢብጽሐት ምራድ፡ በቲክ ሰአየት ቱ እብል። ወድ አዳም ህዬ ረቢ ፈደለዬ። አነ ሰልፍ ሻምዬ ምስል ሳብሪን ሰበት ዐላ፡ አዜ እግልኪ እንቲ አክለ ኢትጉበኤ እግል ኢበለኪ ይእቀድር። ላኪን ለምን ሻም ሳብሪን ለአትፈፈኒ ሐገሌብ ዝሩፍ አስክ እለ መልሀዬ ሰበት ህላ፡ እብ ኮፎ ገብእ እግልኪ እት ትምኔትኪ እግል አብጸሐኪ። እብ ሐሰት ለትንደቀት ቤት ህዬ እንዴ ኢትወድቀ ትትፈንጠር። ምን ገብእ እግልኪ ዘኮብ እግለ እብለኪተ ለህሌኮ ልብ ክረይ። ልብኪ እብ ሻፍግ ርድእዩ፡ ክምን ልገት በሐር ዳሪር ናስር አንገሩ። ቀደምኪ ለዐለት ሳብሪን እንዴ ኢትትወወት አዜ እንቲ እግል ትትወወቲቱ እግል ኢበለኪ ይእቀድር። “አልዕመ ክቢረ ወጂብ ፋዲ” ልብሎ ሰብ መሰል። አልሐምዱልላህ ብዋረት ግርም ወስዩሰ ዕናን ቀደምኪመ ቃሽሽ ቱ እንቲዲ ልብኪ ኢትሄቡ። ብዕደት ላተ እንቲመ ረቢ አከይ መካልቅ ኢከልቂኪ፡ ወአከይ ሲዩሰ ኢሰርኔኪ። ግርም እንቲ ወላበት። እግለ ሰለም ለህለ ደሚርኪ፡ ወስኩብ ለህለ ልቤታይኪ፡ ምስል እሉም ወዛልም ለህለ ልብዬ እግል ትቅሬት ይአጅዝ እግልኪ። ጀላል ሰናተ ወሰርን ግመ”! ቤለዩ።

በልቂሰ እብ ክሉ ዕኩቀ ተአተንሰዩ ሐቆለ ጸንሐት፡ እግል በሊሰ እንዴ ትዳሌት ህዬ እብ ክእኒ ረአየ ወሕርዶን አሰመዐቱ።

“አቤ! ዐቢ ወላብብ ኖሰክ እንታቱ ጀላል ወፋርሰ ሰናቱ። ሕትክ በልቂሰ ላቱ ለለአገርመ ሐቆ ረክበቱ ለትገርም፡ እንዴ ኢኮን አክል እሊ አዜ እንተ ለትወሰፈ እብ ግርመት ከንዶኤ፡ ኢመሰሰኒ። ኒበ ምስል ክል ሐሀ ትጨይሕ ወናይ ልበ እግል በዐል ደሚር ትግመ እበ። አዜ አነ አሰሉል እንዴ ይአትራደም እብክ ለበዲር ሻም ሳብሪን ፈንጠረ፡ አዜ ህለ ትብሉ ለህሌክ አክይ ዝሩፍ ረቢ ወዴን እቱ። እግለ እብ ርዝቅን ወዕምርን መወከል ላቱ ረቢ እዘም ምን። እንሻአላህ ህዬ እብ ገበይ ሐላል ሐዜክ ህሌኮ ምንዲ ገብእ ረቢ እበ አመተ ኢትአመረት ወሀበት ለሀይበን (ለአከርመን)። አቤ! ሕነ ላኢትጸበርናህ ፈርጅ ህቱ ለአዳብጥ ፍንገዬ። እንተ ሐቆ ለእግለ እንብል ህሌን ገብኢት እት ህዳይን ሚ እግል ቲበልቱ ገብእ!? አነ ህዬ አንሳይት እት አብ ጸዋህ ሕዋል ኢተአጅዝ ትብሎ ከትሐመኑ ውላድ ትብዕን። እንተ ለትሐርየ ወለትፈትዩ ወእት ረአሰ ሕትክ በልቂሰ እብ ግርመተ ወለባበት

ዐስር ዕጹፍ ለትትዐጸፍ እግል ትህዴ ምን እለ ዮም ምዕላይ ምስል አርወሐቼ ገለድ አቱ እኩ። አይወ እግልዬ ምን ሻክት ሻም አርዌኒ ወእግልክ ሽርፍ ብክር ሕሸመት አንሳይት ለትረክብ ምስል እግለ ጽመር እኹ። እት ረአሼ ጽመር ኢትትበህል ላኪን አነ ብህለተ ህሌኩ። እግል ደሚርክ ልፍተየ ወጋንክ ልስኩበ። ለኢትበህለት እግል ቲበል ሰኒ ኢኮን። ላኪን ሐቆ ምስዳር ክድክ እግልዬ አናመ ምስዳር እከይድ እግልክ” ቴሉ ከለ ትባራት ሙሉእ ለመሰለ ክልኤ ዕንተ እብ አናብዕ በደድ አበለዩ ቀበሊት።

እሊ ወክድ እሊ ናስር ገርቡ ቅጡብ ሽዕሊለት ትከዐ እቱ ምን። ሕዩር እት እንቱ እበ እዴለ ማኑ እግለ አናብዕ ለክምስል ዕራይ ቅዙር ልትቃጠር ምንን ለዐለ ክልኤ ለምልትሐ ልእብ ትምታመት ከሰሐ ለመሰለ መላትሐ ማሰሰ ምን። “ሄዶ። ሚ ትጉበኤ ህሌኪ!? እግል ትርአይ ወትትረአይ፡ ወትፍተይ ወትትፈተይ ሐቅኪ ቱ። አዜ ለእግልዬ ወእግልኪ ለትደክል ሰን ዝሩፍ እተየ ገብእ ርኤኪህ!? ”



ምነ መጤ። ወድሐንኪ ወሰላመትኪ በልቂሰ” ቤለዩ ከምን ምግሳዩ እተ ዐራት እብ ስምጡ አክረረ።

በልቂሰ እዴ ማነ እግል ምራድ ወልደ እት ጣሰሰ እበ፡ እብ እዴ ገለበ እግለ መትርእሰ አስክ ናስር እግል ትሓልፍ እበ፡ እት ትትሐናጤ፡ ክልኤ ዕንተ ምን ረአየት ናስር በሊሰን አቤት። ፍንጌ ቅንጽት ወግሳዩት ወህግዩ ወአዚም አሲር ሕሳባት እንዴ ገብኢት፡ ፍንጌ እለ ወሌሀ እት ኢበጤር ወኢግሳይ ተወው ትቤ፡ መስኪነት በልቂሰ።

ምራድ ዳግም ወልዳቱ እግል በልቂሰ። ዋብ ምን ጸብር ካልአይ ሓሉ እድወር ዐለ። እግለ ፍንጌ እሙ ወናስር ልትባለሰ ለዐለ ርዱድ ለልትፈሀመ መሰል ይዐለ፡ ላኪን ሐቆ ዐበ ላቱ የምክን ገሌ ልትዘክር ምኑ ገብኤ። ሐር እንዴ አቅበለ ህዬ፡ ፈቅዱ ገብኤ!? ልብ ንኡሽ ጸዐደ ክምስል ሻሽ ደበላን ወለ ኢልትረሰዕ እብ ግብኢቱ።

ሰባሕ ምዕባዩተ እግል ምራድ፡ እት ገጸ በልቂሰ “ክልኤ እግርዬ እብ ሻምክ ትቀዩደዩ፡ ወልብዬ ልንጉይ ልብክ ገብኡ” ወኢትቤ መሰሰኒ። እብ በክት

ገብኢት ሰብብለ ኢህዳይኩ። ረቢ ህዬ እግለ እብ አማን ረምቀዩ እብ አማን ለአከርመ። እንተ እት ቆልክ ሰበት፡ ወአነ እት ቆልዬ። ረቢ ንዩንት ወደሚርን እምበሌሁ ደልዩ አለቡ” ቴሉ፡ ከእግለ ሞዴል ላተ ፋጡተ እንዴ ለዌት እግል ፈጊር እብ ብጣረ ገብኢት ምኑ በልቂሰ።

ናስር እለ አምዕል እለ ልቡ ሰኪን እግሉ አበ። ኪን ወእንሰር አንጠዋራር ሌጠ ገብኤ። ገሌ ቅሰት ሻሙ ምስል ሳብሪን ለልአምር መትሃግዩት መልሂቱ፡ እብ ክእኒ ለሀርጆ እቱ ወዐለው።

“ዮመቱ ለእግለ ነአምር እትሰልት ዐለት መሰሰኒ፡ አፎ ክምስል ሃቱ ቀሲ ወአኖካይ ገብኢክ!? ሳብሪን አዜ ምነ እግለ ሳተት ለህሌት ከነድ፡ እግል ሻምክ እንዴ ትቤ ተአቀብል ኢመሰለኩ። ሚ ቱ ክምስል ንኡሻይ እሙ ጋይሰት ምኑ ትሰባሰብክ!? ሳብሪን ኢትረክብ ወናስሪን ኢትሐግል ኢትትሰባሰብ ወኢተአናኪ” እት ልብሎ ለሀርጆ እቱ ወዐለው። ናስር ላኪን ቀባሁ ካልእ ዐለ። ለይሐሰባዩ ወኢትጸበረዩ ራክብ ወዐለ መስኪናይ። ሻም በልቂሰ ክምስል መልኦክ ትሓበረዩ ወለ ክምስል አብሊሰ ተአተዩ ኢተአመረ እግሉ። ክምስል ውሕዝ ረዶም እበ ለኢትጸበርካህ መጽኤ፡ ህቱመ እት ገጹ እግል ኢሊደዩ ፈርሀ። ፈዶግት ወድግም ወሰሓቅ እት ዐዘመት መሐበር ህዳይ መልሀዩ ገጹ ወመብህሉ ክምስል ኢለአምራሁ ቅብላቱ ገብኢዩ።

ጣህር መልሀዩ ገሌ ሳምዕ እግል ኢለሀሌ እንዴ ነሰአዩ ምነ መሐበር ትፈንተ እበ፡ ከትሰአለዩ። “ልእግለ ሰምዐኮ አለብዬ ወለ እግለ ርኤኮ” እት ልብል ክምስል አጽበረዩ፡ እግል ሕቱ ዜነብ እንዴ ትላከዩ እብ ሚ ሳምዐት ምኑ ህሌት ወብህለት ትሰአለዩ። ህታመ እብ ጀሀት ሐዳሰ ክምስል ሐቱ ይህሌት ደግመት እግሉ።

ግድም ህቱመ “እግል ሰንዩ ረበሽኮ” እበ ልብል መፍሀም እግል ልትሰሐቅ ወልተልሄ አስተብደ። እሊ እበ ልትርኤ ቱ እንዴ ኢኮን፡ እብ ደሚሩ ላቱ እት ሐዲሰ ቴለል ሽመም ወዐለ። በልቂሰ አክለ እግል ናስር እግል ትትላኬ ሐዜተ፡ እት ሽክ እንዴ አቱት እብ አምራምዬ ህለው እት ገጸ ሐዋን ክጅል ልትርኤ ዐለ። አዋልድ ውላድ ነሃር ዐዘመት ሰር ልትሃጅኩ ወገሌ ልትጣዌ፡ ሰርመ እብ ልጥፍ እት መሰር ሐያቱ አኪት ወሰኔት ልትበህል ወዐለ። በልቂሰ አክለ ስም ናስር እግል ትርፈዕ ሐዜተ ሆንደገት ልበ ክምስል ከበሮ ሶምዩ ዲግ. . ዲግ እት ትብል ረቢ እብ ክልኤ እዝን አሰመዐያተ። “ሄዶ! ወለት አብህ አነ!! ቀዌኩ። አፎ ክምእን ልብዬ መሸረፈት ሽርፈቱ ምንዩ!? አነ ባዲ ልበ አነ መሰሰኒ? እግል ሐቶ ለአግምል ለመጽኤ ጋሻይ ክምስል ይሓልፍ ገብኢት? ወለተ ፋርሰሰ ውላድ!! አዜ ህዬ፡ “በልቂሰ ሐልፈት” እትበህል ክምስል ይዐለኩ፡ ክልኤ እዳይ እንዴ መደድት ሬምቃይት ሻም ገብኢት። ደቦእ! ሕት ውላድ አከጀህ ጸብጤኒ። “ኢሰምዕወ ሰምዐኮ እዝን ትሕጨር ምን እለ” ልብለ ዐለዩ አንሰ ግንግር። አዜመ ክምስልህ ጸብጡተኒ” ትቤ ከእግል አርወሐተ አትካጀለት ወኢትዓዩበት በልቂሰ።

መዳልያይ፡ ሳልሕ ገመ
ሰወር፡ ክብርም ጸሃዩ

ተጠውራት ተዕሊም፡ እት ምዴርያት ዐዲኳላ ወማይ-ምኔ

አንፋር ቅስም ጀራይድ ላቶም ሰሕፍዩን ጀራይት ኤረትርየ ሐዳሴ አልሐዲሳ፡ ፕሮፋይል ወሐዳሰ ኤርትራ፡ እት አቅሊም ግብላት ድማናይ ደንበር ለወደወ ጀውሉት ዲቡ ምስል መስኩል ተዕሊም ምዴርያት ዐዲኳላ መምህር ተሰፋይ ስብሃቱ ወምስል ወኪል ተዕሊም ምዴርያት ማይ ምኔ፡ መምህር በህታ ወልዳይ፡ ክምስልሁመ ምስል መምህር ግርማይ መዓሾ ለወደወ መቃብላት ጭመም ጽበጡ እሊ ተሌ ቱ። ከእብ መስኩል ተዕሊም ምዴርያት ዐዲኳላ መምህር ተሰፋይ ስብሃቱ ነኡነብት፡-

ሰኣል፡ ምስል መትመዳድ ተዕሊም ወተጠውራቱ እት ምዴርያትኩም እግል ተኣትኣምረን?

በሊሴ፡ እትላ ምዴርያት ቀደም ሕርየት ሴዕ መኣሰሰት ተዕሊም ሴጠ ዐለየ። ዐደድ ደረሳመ ሐድ ዐለ። ሐቆ ሕርየት ላኪን፡ መትመዳድለ ተዕሊም ምን ገብእ ወዐደድ ደረሰ እት በዜሕ መጽሐ። 1160 አጀኒት ለብኡተን 15 ረውደት፡ 18 መድረሰት መኣንብታይት፡ መኣንብታይት ወምግባይት ለልኣደርሰ ሰስ መድረሰት፡ ምግባይ ደረጀት ሴጠ ለበን ክልኤ፡ ምግባይት ወክልኣይት ደረጀት ክልኤ፡ ወክልኣይ ደረጀት ሐቱ፡ እብ ዓመት 44 መኣሰሰት ተዕሊም ህለየ እግልነ።

እምበል እሊመ ምህሮ እግል ዐባዩ 12 ንቅጠት ብነ። ሐቱ መድረሰት ህዩ ምህነት ኮምፕዩተር ለትኣደርሰ ብነ። እተ 22 ዳሕዶት ምዴርያትነ፡ ለ21 ኩለን መዳርሰ ክሱታት ዲበን ተን። ዳሕዩት ዐዲ-መኸዳ ላኪን መድረሰት ኣለቡ ዲቡ። ሰበቡ ህዩ፡ ዳሕዩት ዐዲ-ጭቅምጤ ዲብ ቅሩብ ሰበት ህሌት፡ ምስል እት ሐቱ መድረሰት ደርሰ ህለየ። ለመትመዳድ ምህሮ ደሐን ህሌ፡ እት መኣንብታይት ደረጀት 16,065 ደረሳይ፡ እት ምግባይት ደረጀት 7,748 ደረሳይ፡ እት ካልኣይት ደረጀት 3,215 ደረሳይ፡ እብ ዓመት 28,193 ደረሳይ ህለው እግልነ። ናይ ሰነት ድራሰት 2023/2024 ህዩ እት ረኣሰ እሎም እብ ኣዜ ለንትከብቱ ዐደድ ሐዲስ እግል ለህሌ እግልና ቱ።

ሰኣል፡ እት መደርሲን ህዩ?

በሊሴ፡ መደርሲን ምን ረዩም ለመጽኦ ህለው እግልነ። መደርሲን ሐዳይስ ምን መዕህድ መደርሲን ኣሰመረ መጽኦ ሰበት ይህለው፡ ንቁስ ማጽእ ህለ። ምን ኩልያትመ እብ መጃሎም ልትወዝዖ ሰበት ይህለው፡ ሕዳን መደርሲን ሳድፈነ። ናይ ረውዳት 32 መደርሲ፡ እት መኣንብታይት 387 መደርሰ ህለው እግልነ። እሊ ብዞሕ ምንመ መስል፡ ለኣበረው ወዓፍየት ለኣለቦም መደርሲን ሚዓሽ ሰበት ኢፈግረው፡ ለዐደድ እብዝሓመ ህለው። ላኪን እት ረዩም ብሩርመ፡ ምሮ መደርሰ ኣርበዕ ጅንሰ ምህሮ ለኣደርሰ፡



እብ ሕሰሰመ ምን 36-40 ሕሰት እት ሳምን ጽብዋ። ከእሊ መሕገዝ ክም ህለ ለኣርኤነ። እተ ምግባይት ደረጀት ለልኣደርሰ ህዩ፡ 186 መደርሰ ህለው እግልነ። ሰበት እሊ፡ ለዐደድ መደርሲን ምስል ዐደድ ደረሳነ ለገይሰ ቱ ወደሐን ብዝሐ ህለ እሎም እግል ኒበል እንቀድር። እት ካልኣይት ደረጀት፡ ዕሎም እጅትማሬ ወዕሎም ጠቢዐት እቱ ለልትካፊሎ፡ 73 መደርሰ ህለው እግልነ። እት 2ይት ደረጀት ዲብ ክልኢቱ አጅናስ ዕሎም ለልኣደርሰ መደርሲን ሰበት ልውሕዶ ዲብነ፡ መሕገዝ ህለ እግልነ። ናይ እዳረት ተዕሊም ወሽቃለ ብዕዳም ህዩ 134 ገብእ። ሰበት እሊ፡ እብ ዓመት እትላ ምዴርያትነ፡ 812 ለገብእ ሽቃላይ እት መጃል ተዕሊም ክስኣም ቶም።

ለመዳርሰ ገሌህን ታምም መባኒ ጥወር ለበን ዲብ ገብእ፡ ምን ገጽ ሐር ለትከሰተየ መባኒ ለኣለበንመ ህለየ እግልነ። ምን ገዳይም መዳርሰ ለብነዶት፡ ከነባት፡ ሰቡራት ወብዕድ ኣላት ደረሰ ወኣደረሶት ለታመመ እለን ህለየ። ምን ሐዲስ መዳርሰ ህዩ፡ ክሳድ ዒቀ ኣዜ እብ ቅዋት ድፈዕ ለትሽ መብነ ዐቢ ህሌ፡ ላኪን ኣላት ምህሮ ክም ከነባት ልግበእ ወብዕድ ኣቲ ዲቡ ኢህለ። እትሊ ክልኤ ብሎክ ኣፍሱል ወምሮ ብሎክ ሰከን መደርሲን ሸቁይ ህለ። እብ እዳረት አቅሊም፡ ምዴርያት ወሰካን ሰለሰ ደገጊትላ ባካት ለትወጀደ ኣላት ብነእ እስመንቲ ወዘገን ለመብነ ዱሉይ ህለ። ሸባቢክ ወባባት ናቅሱ ህለ። እብ 149 ደረሳይ ህዩ ደዓም እንቡታመ ህሌነ። ለኣላት ህዩ ግረ እሊ ሕሰር እንዴ ተህየቦዩ እግል ልታመም እሊ እንሰኤ። እት አውሓ ከማን ለድራሰት ደዓም እብ 107 ጅነ እት ኣብዶት ክራይ እንቡታመ ህሌነ፡ ለአጀኒት ምን ምህሮ እግል ልትሐረጦ ሰበት ኣለቦም፡ እበ ህለ



ርዝቅ ክም ለኣነብቶ ወዴን ድኢኮን፡ ብኩይ ኣፍሱል ኣለቦም ወከነባት። ለመሓግዝ እተ ሄራር ተዕሊም ህለ፡ ላኪን ምን ወክድ እት ወክድ ሕኩመት እበ እት ተዕሊም ለትወድዩ ሕሰር እት ልትባለሕ መጽእ ለህላ ቱ እግል ኢበል እፈቱ።

ሰኣል፡ ወራታት ምህሮ ምዴርያት ማይ ምኔ ሚ መስል፡ መምህር ባህታ ወልዳይ?

በሊሴ፡ እብ ዓመት ዲብ እሊ ምዴርያት 19 መኣሰሰት ተዕሊም ህለየ እግልነ። ምን እለን ሐምስ ረውደት ተን። እት ክል ዳሕዩት ህዩ ሐቱ መድረሰት ክስትት ህሌት። ለበዝሐ አጀኒት ናይ እሊ ምዴርያት እት ንዘም ምህሮ እንዴ ኣተው ደርሶ ህለው። ለበዜሕ መጋዴዕ እት ብዝሐ ደረሰ ወሕዳን መደርሲን ቱ። እት ምሮ ፊሰል ኣሰክ 80 ደረሳይ ለብኡተን መዳርሰ ህለየ እግልነ። ዲብ ዕሽሽ ለደርሶመ ህለው እግልነ። እት ኣላት ምህሮመ፡ ካፊ ኢኮን፡ ኣክትብት ገዲም ብነ፡ ሕዳን ከነባት ወብዕድ ኣላት። ሰበት እሊ ለምዴርያት ምስል መካሪት ምድራ፡ እብ ዋጅብ ክ'መ ልትሐዜ ለልኣደምዕ ወራታት ተዕሊም ነኣትሐላልፍ ህሌነ እግል ኢበል ይእቀድር።

ሰኣል፡ እት ማይ-ምኔ ለመትመዳድ መዳርሰ ከኣፎ ህለ ገብእ?

በሊሴ፡ መኣንብታይት ደረጀት እት ክል ዳሕዩት ካስታም ሕክ፡ ናይ ምግባይት ደረጀት መዳርሰ ካፊ ኢኮን። ሐምስ ሴጠ ህለየ እግልነ። ምስል ዝያድ 65 ኣልፍ ለገብእ ሰካን ምዴርያትነ ለገይሰ ዐደድ መዳርሰ ወመደርሲን ኣሰክ ኢትረከቡ ለመሓግዝ ዲብ ረኣሰነ ህለ። መዳርሰ 2ይት ደረጀትመ ክልኤ ሴጠ ተን። ደረሰ ምን ረዩም ድዋራት እተ ናይ 2ይት ደረጀት መዳርሰ እግል ልድረሶ ዶል መጽኦ፡ ልትፈርቀም ወልትወጽዖ ህለው። ሰከን እንዴ ትካረው ሰበት

ደርሶ፡ መሻረከት ኣዋልድ ወውላድ ትነቅሰ - ኣትካራም በዜሕ። ሰበት እሊ፡ እሊ መሻክል እግል ልርሄ ገብእ ምን ገብእ፡ መዳርሰ ምግባይት ወ2ይት ደረጀት እት እግል ደረሰ ለቀርብ ኣማክን እንዴ ትብነ፡ እንዴ ደርሰው እት ዐዶም ክም ለዐይሮ እግል ልግበእ ለኣትሐዜ።

ሰኣል፡ ምህሮ እግል ዐባዩ ህዩ ብኩም ማሚ?

በሊሴ፡ ምህሮ ዐባዩ ህለ። እትሊ መሻረከትላ ሽዑብ ለትኣሰፍ ተ ድኢኮን ህለ። ናይ ዐረዮትመ ቀደም እሊ ጅሩባም ዐልነ ወደሐን ጌሰው። ኣዜ ህዩ ኣሰክ 3,800 ለገብእ እት ዐግሎ ተዕሊም ለኢሸእገው አጀኒት ክም ህለው እኩዳም ህሌነ። እሎም እተ ሰነኖም እግል ልትሓበሮ ገብኣው ምን ገብእ፡ ድሩስ ዐረዮት ክም ለኣትሐዝዮም ጣልባም እሎም ህሌነ። ናሰነ እግል ኢነኣትብግሱ፡ እተ ንዘም ተዕሊም ሕዳን መደርሲን ህለ እግልነ። ኣማን ተሐይሱ ኣዜዲ ሐለቱመ ኣለብነ።

ሰኣል፡ ሕሰር ደረሰ ወዋልዴኖም እት ምህሮ ከኣፎ ልትቀየም?

በሊሴ፡ ለሽዑብ ተዕቢኣት ለልኣትሐዝዩ ቱ። ሐረስታይ ሰበት ቱ። ምስል መንበረት፡ እግል ኣጀኒቱ ኣሰክ ምህሮ ነድኡ፡ ላኪን ለጅነ እት ደረጀት በቃዐት እግል ልምጸእ ወልትጃግር ሚ ክም ለኣትሐዝዩ ኢለኣምሮ። እትሊ ቱ ህዩ ሕምቅ ለልትረኡ። ለዋልዴን፡ ለጅነ እተ ሐርሰ ወርዕዮ እግል ልስደዮም ለሐዘ ድኢኮ፡ ዲብ መድረሰት እንዴ መጽኦው ወለቹ ከኣፎ ትሄርር ህሌት ወወልዩ ከኣፎ ገይሰ ህለ ለልብል ኣለብ። እብ ፍንቱይ እትሊ ለህሌናሁ ወክድ ቀይም፡ እት ዐጪድ እግል ልስደዮም እንዴ ቢለው ለኣቀዩቦም። እት ሰዳይት መደርሲን ላኪን፡ ለምዴርያት ለትትሐመድ ቱ፡ ነብረ መደርሲን ወእግሎም ለናይ ክል ምዕል ነብራሆም ለልኣዳልየ ኣንሱ ሽዑብ ናሱ ቃይም እበን ቱ። ኣሰክ ዕጪይ እግል ብሻል ነብረ፡ ሽዑብ ለኣመጽኡ።

ሰኣል፡ ዕልብ ሐሊፍ እት ጀነራል ምን ገብእ ወማትሪክ ደረሳኩም ከኣፎ ህለው?

በሊሴ፡ ምስል ሀድጉ ለዐልቶ መታክል፡ ለኣፍረዮት ክመ ልትሐዜ ህለ እግል ኢበል ይእቀድር። ምስል ብዞሕ ጸርም፡ ለአጀኒት ለተኣትናይት ፍገራት ለኣመጽኦ ትርእዮም። መስለን እት ናይ ዮም ዓመት ጀነራል



መስኩል ፍርዕ ተዕሊም ዐዲኳላ - መምህር ተሰፋይ ስብሃቱ



መም.ግርማይ መዓሾ



መም.ባህታ ወልዳይ

8ይ ፊሰል፡ 61 ምእታይት ሐልፋም ህሌነ። ምስል ብዕድ መዳርሰ ኣቅሊምን ዶል እንርእዩ፡ ፍገራት ሰኔት ራክባም ህሌነ። እት 35ይ ደውረት ክድመት ወጠን መድረሰት ዋርሳይ ይከኣሎ ምን ደርሶ ዐለው ደረሳነ ህዩ፡ እብ ዓመት 47 ደረሳይ ናይ ዲግሪ ወዲፕሎመ ንቅጠት ራክባም ህለው። 15 ምእታይት ምን ነድኣናሆም ደረሰ ሓልፋም ህለው። እሊ ዶል እንቀይመ። እት ልትሓየሶ መጽኦ ለህለው መትጃግረት ደረሰ ክም ህለው እግልነ ለኣርኤነ። ዮም ዓመት እት ማትሪክ፡ ምን 3.0 ወለዐል ለኣምጽኦው ደረሳመ ህለው እግልነ።

መስኩል እዳረት ወማልየት መክተብ ተዕሊም ማይ-ምኔ መምህር ግርማይ መዓሾ፡ ምህሮ እግል ልትዐወት፡ መደርሲን፡ ደረሰ ወዋልዴን ዕላቀት ሰላሰየት እግል ልብነው ክም ቦም መክር። እት በቃዐትላ ደረሰ ዲብ ልትሃጌ ህዩ፡ “መስለን ምን ዮም ዓመት ሳወ ለትከረው 310 ለገብእ ደረሳነ፡ ሐቱ ሰድሲዮም ሐልፈው፡ ሰለሰ ምኖም 4.0 ታምም ንቀዋ ኣምጽኦው፡ ሐምስ ህዩ 3.8 ለኣምጽኦው ሕሩዳም ደረሰ ህለው እግልነ። ሰበት እሊ፡ ለበቃዐት ከደምን እሊ ምን ገብእ፡ እግል ትምጸእ ትቀድር እብል” ቢለ።



(16^ይ ክፋል)

ለናይ ሰልፍ መዓርክ 60 ታት

ሰውረት ኤረትሮፕ እትለ ናይ ሰልፍ መትኦምባት ግድለ ሰለሕ ዲብ 60ታት ፍንጌ ምናድሊን ሰውረት ወጃሽ አባይ ገብእ ለዐለ መዓርክ ምን ምናድል ሀይሌሰላሴ ወልዱ ለከትብዩ ክታብ ዐዋቱ ለትነሰኡቱ። ከእግል ዮም 16ይ ክፈል



እጅትመዕ ዴሽ ሱዳን ለዐለው ወእድሪስ

እድሪስ እተ ዋጃቡ ዲብ ቀበት 12 ምዕል እት ከሰለ ጠበሽ ቤለዮም። እድሪስ ሚ ክም ለአመጽእ እሎም እግል ልርአው ንሁፋም ለጸንሐው ዴሽ ሱዳን ለዐለው ለትሐይሰ እሎም እንዴ ትጋመው። እግል ከሺነት እንዴ ተሐሰበት ለትሸቄት ወላብሰት ለይዐለት። ቤት ሐዳስ ቤት ሸሂድ መሐመድ እድሪስ ሓጅ ዲብ እጅትመዕ ወደው።

መትጽብረት፡ “መርሐቤ ሚ አምጸአክ እግልን” ቤለው እግል እድሪስ።

“350 ጅኔ ወሐቱ ሚኒኮሎ”
“ብዕድ ወለሐበትመ!”
“ከላስ እለን ሌጣ።”
“አቤ፡ ህተን ሌጣ።”

ለዶል ለሀ እት ኩለ ደውለት መናዱቅ ክም ምራድከ ልትረከብ ሰበት ይዐለ። እተ ዶሎም ምነ ሰላዲ እግል እብራሂም ዳውድ ሐምስ ጆኒ እግል ሴፋሁ ሀበው ምነ። “እንተ ጋሽ ሰበት ተኣምሩ፡ ምስል ሰብ ወልቃይት ህይ አምር ሰኒ ሰበት ብከ። ሼኽ እንዴ ትመሰልከ። እብ ፈረስ ልግበእ ወገመል እት ትትሐረክ። አሰለሐት ሕዜ፡ ሐቆ ረከብከ ህይ ዐውሉ ተኣስእለከ።” እንዴ ቤለው ለአከው። ለተርፈዩ 345 ጅኔ እብ ሐትሐቱ እንዴ ሐሰበውን፡ ጣህር ሳልም ትሰለመዮን። ምን ሕክመት ሱዳን ሰበት ኢትሳርሐ ሳኪን። እተ ዶሎም እት ጀዕፈር መሐመድ ሓለፈዮን።

እለ ሰላዲ እለ “እግል ደብር ለዐበ፡ እግል ሓምድ መሸሪፍ ልግበእ እሉ” ሰበት ትባህልን ለቤለ ገሲር፡ ሀደፍን እንዴ ነሰኣናህ አሰክ ሚዳን



እግል ንእቲ ቱ ለዐለ። እድሪስ ሳኪን፡ ለሰላዲ እት ሓምድ እግል ትትነደእ ድኢኮን፡ ህቶም ለዶል ለሀ እግል ሊገሰው ኢሐዘ። “ጽንሖ፡ አዜ ኢኮን ለትገይሶ” ህይ ቤለዮም። “እሊ ላተ ውፋቅከ አፍረሶት ቱ። ሓምድ እግል ንትሌ እንዴ መሐልን ወገለድ ባይኣም እት ሕክ፡ እብ ሚ ሰበብ ቱ ለእንጸኔሕ።”

“ሐቲ ዶል ጽንሖ እብለኩም ህሌኮ።”

ሰእየት ዋድዮም እቲ ሰበት ዐለው፡ ለህግዩ እድሪስ መንፈዐት ዐባይ እግል ኢትህሌ ዲቤ፡ “ለንታከዩ ሸይ ህለ ማሚ፤” እት ልብሎ ትሰኣለው።

“ጽንሖ እብል ህሌኮ። ይእንጸኔሕ ሐቆ ትበው ህይ፡ አነ ፍገሮ ይእብል ወኢትፍገሮ ይእብል፡ መስሉልየት ይእረፈራ። እንቲም ምንዬ ለትደቀሶ ሰብ ሰበት እንቲም፡ ምራድኩም ውደው” ቤለዮም እብ ዋዴሕ። እብሊ ህይ ለእጅትመዕ እምበል ፍራ ተ’መ።

እድሪስ እንዴ ጨቅጥ፡ “ጽንሖ ሚዳን ኢትፍገሮ!” ልብል ለዐለ፡ ለበዲር ሓምድ ድድ አቶብዩ ነኣርብ ልብል እት ህለ፡ እድሪስ እግል መትኦታይ ወዐሚም አቶብዩ ለልትቃውም ዲብ እንቲ፡ ግድለ ሰለሕ እብ ሸፋግ እግል ልትኣንበት ምራድ ይዐለ እግሉ። እብሊ ሰበብ እለ፡ እብ ፍክር አሰክመ ኢትጀመዐው ውሓለት አሰክመ ኢጀብረቶም፡ ሕድ ለልሐዙ ኖዕ ናይ አንፋር ይዐለው።


መደት ሐቲ ሓምድ እት አሰመረ፡ ንዋይ እንዴ አዝበ አሰክ ዐዱ ለአቀብል እት ህለ፡ ዲብ አቁርደት እብ ሚርሐት እድሪስ መሐመድ አድም ገብእ ለዐለ እጅትመዕ ሳደፈዩ ወእቲ ሐድረ። ክምሰለ ልትበህል፡ እድሪስ እት ሰነት 1957 ምን ሺመት በርለማን ኤረትሮፕ ክም ትከራቱ እግለ እት ቤቱ ለገብእ እጅትመዕ ለነዘመ። ሀደፍለ እጅትመዕ ህይ፡ እብ ክሰሰ ቅድየት ወጠን ሚ እግል ልግበእ ክምሰል ቀድር እግል መትጋማይ ቱ ለዐለ። እተ ገብእ ንቃሽ ህይ፡ ንዳል እምበል ሰለሕ አው እብ ገበይ ሰላም እግል ኒዴ ወሕርየትን ንሕዜ ለልብል ሀገሊት ሰበት ትሰመዐ፡ ሓምድ እንዴ ሐርቀ መቃወሙ አሰመዐ።

እድሪስ ሕርየት ትብል ህሌኮ፡ ሕርየት ህይ እብለ ለቱልካህ ሚ ተ ለትትረከብ። ሕርየት እብ ሐለትካ ተ ለትመጽእ! ሕርየት እብ ቅልጭም

ወደግሽ ተ ለትትኣከድ!” ቤለዩ።

እድሪስ ክም እሊ በሊስ ምነ ጅምዓም ለዐለው አንፋር ኢትጸበረዩ። ምን ክምሰል ቱ ዶል አመረ ህይ፡ “የእ! እንተ ህይ ዲመ በዐል ደም! እለ ህግዩ እለ ምን ኢትደግመ ለሐይሰከ!” ቤለ ከትቀጸበ ዲቤ። እብሊ ህይ ሓምድመ እንዴ ሐርቀ፡ “ከግድም ሕርየት ላተ፡ እብ ደም ድኢኮን፡ እምበል ደም ትረከበት ምን ገብእ እግል ትርእያ ቱ!” እንዴ ቤለ፡ እግለ ትምባክ ለኣተንን እተ ለዐለ ከዶስ ለክፈ እቲ ወእጅትመዕ እንዴ ካዩደ ህይ ፈግረ። እብሊ ቱ ክልኢቶም ምን በዲሮም ድድ ዐለው” ልብል ግንድፍል።

ኬትባይ አለምሰገድ ተሰፋይመ፡ “ኤረትሮፕ፡ ምን ፈደሬሽን አሰክ ዐሚም ወሰውረት” እተ ልብል ክታብ፡ ክልኢቶም ክምሰል ተኣረቀው ኢሸርሐዮም ድኢኮን፡ ሓምድ ዐዋቱ እግል እድሪስ መሐመድ አድም ክልኤ ኢነት፡



መሰኣለት ሕርየት ለአምጸአተ ቀድየት ተ ለዲበ አክተለፈው። እሊ ህይ ዓዲ (ልሙድ) ቱ፡ ዶል-ዶል እግል ትትበኣስ ወትትኣረቅ ወእግል ትትዓሬመ ትቀድር። ምናተ፡ ንዳል ሐቆ ተኣንበተ፡ ክልኢቶም እት ምር እትጀህ ስዮስት እት ህለው፡ ወሐር ህይ፡ ሐቆ መዐረከት አዳል አባይ እግል ከረ ሓምድ እብ ሕፍን እንዴ ጸብጠዮም እት ልትካረፎም፡ እድሪስ ምነ አኬት ባዐት፡ እግለ እት በገሰ ለዐለው አምር ሰለሕ

ዑመር ዳምር፡ አቡጥዶራ፡ አቡርጃለ ለልትረከቦ እቶም ብዝሓም ቶም።

እተ እጅትመዕ፡ አነ እግል እፍገር ቱ፡ ይእጸኔሕ ለልብል ሀገሊት ክም በዝሐ፡ “አክ፡ አነ ኢኒበል። አዜ እብ ቀሱብ ትሳረሕ ከትበገስ ለልትበህልመ አለቡ። ናይ ሰለሰ ሰነት ግዋሉ ለአክለሱ፡ እትፋቅ እግል ለአጀድድ አለቡ ልትበገስ ሌጠ” ትበሃለው። እንዴ አትለውመ ለበዝሐው ሰብ ፈረሶ ሰበት ዐለው፡ እብ ክሰሰ መንበረት መሰተቅበል



1956-1957 ክም ረክበዩ፡ ወንዳል ነኣንብት ክም ቤለዩ ክም ትቃወመዩ፡ እብሊ ተ’ሌ ሃድጉ ህለ፡

እት ሰነት 1956 ርኢስ በርለማን ኤረትሮፕ እት ህሌኮ፡ ዐዋቱ መጽኢ። “ደውለት እኪት ህሌት፡ ገሌ ንባሰር ...” ቤለኒ። አነ ህይ ኢትሸፈግ እቤሉ። በርለማን ክም ሐደግኩ፡ እብ ሐዲስ እት አቁርደት መጽኢ። ከደን እግል ልፍገር ለሐዜ ክም ህለ አሰኣለኒ። “ሐዳም ሌጠ እንዴ ነሰኣክ ከደን ኢትፍገር፡ እግል ልቅተሉካ ቱ...” እቤሉ። አነ ክም ፈገርኩ፡ ግራይ ምስል ሼኽ መሐመድ ሼኽ ዐወድ ወሼኽ ሰሌማን መሐመድ አልአሚንመ ልቀእ ወዴ ክም ዐለ ሰምዐኩ። ... እት ካርጅ ዲብ ህሌነ ህይ ከደን ክም ፈግረ ሰምዐኩ። “ሰለሕ እንዴ ኢጸብጥ እግል ሚ፤” እንበ። ምናተ አቶብዩ እግል ትጽብጡ ሰበት ሐዜት ቱ።

ሓምድ እድሪስ ዐዋቱ ልግበእ ወእድሪስ መሐመድ አድም፡

ለዐለ እግሎም ዐሳክር ጽንሖ እግል ሊበሎም ዋጅብ ይዐለት። ለቅድየት እንዴ አትቃለልክ እግል ተኣምጸአ ምን ተሐዜ፡ እድሪስ ክእነ ልብል እት ህለ የምክን ለልታከዩ ሸይ ለዐሌ እሉ ገብእ። ምናተ ክምሰለ ሼኽ እብራሂም ሱልጣን “ንጉሰ ፈይሰል ናይ ሰውድየ እግል እድሪስ መሐመድ አድም ሰላዲ እንዴ ሀቤ፡ “ሕዝብ ከውን” ቤለዩ። እድሪስ መሐመድ አድም ሰላዲሁ እንዴ አክቤ ጆ.ተ.ኤ. አሰሎ።” እት ልብል ለአክድ፡ እተ መደት ለሀ ለሰላዲ፡ እት እዴሁ በጽሐት ሚ ኢፋላ እክድት ሴመ አለቡ።

ዴሽ ሱዳን ለዐለው ምን እድሪስ ለልታከው ብዙሕ ዐለ። ጽዋር ወሲፈ እብ ተማመ። ክምለ ሐሰበው ሳኪን ኢገብእ እሎም። ምኑ ሰእየት ክም ጸብረው፡ ግራሁ ህቱ እንዴ ይህለ በይኖም እንዴ ትጋመው፡ ሓምድ እግል ልትለው ቀረረው። እሎም ለሰልፍ ምን ዴሽ ሱዳን ለትጠለቀው ዑመር እዛዜ

አንሶም ወአጀኒቶም ትጋመው። ሚ እግል ሊደው ክም ቀድሮ ክም ትጋመው ህይ፡ እት ሐቲ ንቅጠት ዋፈቀው፡ ልብል መሐመድ አድም ገሲር፡

... ገሌሆም ዲርሆ ከማን ምድር እት ተሐናፍል ሰወሲተ ተግቤ፡ አንሰነ ህይ፡ ከላስ መሸረፈት፡ ጀንቢል ወሰጋደት እት ልፍዕለ፡ እንጌረ ሱግ እንዴ ሰንከተዩ አጀኒተን ለዓብዩ። እንዴ ሓደግናህን ኒጊስ” ልብሎ እት ህለው፡ ገሌሆም ህይ፡ “ሕድጎ ሚ አምጸአቱ፤ ምነ እንዴ መጽአነ መንዱቅ ለእንጸውር እተ ዕለት አንሰነ እንዴ ኢልትኣደገ ሐዱጋት ሰበት ገብእዩ፡ ምን አዜ እግል ነኣደናግጸን ኢውጅብ። ምኒ እብ አርወሐቱ እግል ለአቅብል እንዴ ቤለ ለልትኣከድ ነፈር ሰበት ኢህሉ፡ እብ አምዕሉ እስትሸሃድ ለአሰኡሰን ድኢኮን፡ ምን አዜ ሐደግናክን እግል ኒበለን ዋጅብ ኢኮን። ትም እንዴ እንበ መትበጋስ ለሐይሰ” ክም ቤለው፡ ኩሎም እንዴ አተፈቀው እግል ልናድሎ ትዳለው።



ሓይሳም ቁርኣት ጀሪደት ኤራትርያ ሐዳሴ ምን እሊ እንዴ አትሌት ወኪል ወካላት አክባር ኤራትርያ ምዴርየት አቅርደት ሰሐፊ ሓጅ ሚጃር፡ ምስል ሙናድለት ወበዐል መንበር መሕበር ወጠን አዋልድ አንሳት ኤራትርያ አቅሊም ጋሽ በርከ አሰይደ ይሕደገ የውሃንስ ለወደየ መቃበለት፡ 1ይ ክፈለ እንቀድም እኩም።

ሙናድለት ይሕደገ የውሃንስ ገብሬእየሱስ እት ሰነት 1960 ትወለደት፡ ሰነት መድረሰት ክም በጽሐት ሀዬ እት ዐደ -ዐዲሸማግሌ፡ አቅሊም ምግብ አሰክ ሳድስ ፈሰል በጽሐት፡ ሐቀሁ ሰነት 1975 እት ደዋሐ አሰመረ ፍንጌ ሰውረት ተሕሪር ወእስትዕማር ኦቶብዩ ሕሩባት ድቁብ ክም ቀንጹ፡ ዐድ የውሃንስ ቤቶም እንዴ ፈግረው እት ዐደታት ብዕድ ገወዘው። ለዐደታት መብዝሐ ነደ ወለሰብኡ ምነ ለትረሸን እት ተሐረደ ገብአ። ምን ረሳሰ ወሐጺን ለነጅ ሀዬ እት ክል አካን ትሻተተ ወትፈንጠረ። እግል መሰል ለሰነት ለሀ እት ወኪድብ ሌጠ እት ሐቱ ጸብሐት፡ 80 ነፈር ክም ትቀተለው ትፈቅድ ሙናድለት ይሕደገ። “ደም አብርያኦ ወሐቤ ምንቱ ለቀትል ሀለ ኖሱ አክልሕድመ ፍሩግ እነ የዐለ ጦርሰራዊት ቶም? መ ለተለች፡ ሐረሰቶት አው ሽቃለ እንዴ ገአው ነብር ለዐለው ተጋሩ ቶም? አዳም ክለ ትቀዌት እቱ። እግልሚ፡ ብዝሓም እት ከብድ አብያቶም እንዴ መጽአውቶም ለሓረደም” ሀዬ ትወስክ።

ለአምር እብ መጅዘረት ሐቱ ወክልኤ ደርበት ለሐልፍ ክም ኢመሰለ እቱ ለእንዴ አፊመ ሽቱት ለዐለ ሽዑብ ዐደታቱ አትቃበለ። ላኪን ሰካበት ኢሀሌት፡ “ጦር መጽአት!” አክለ ትበሀለ ደረቡ፡ መስተዩ ወሴፋሁ ክል ዶል ዱሉይቱ፡ ምነ አብያቱ ሓድር አጊድ አድብር ወአከድን

መሕበር ወጠን አ.አ.ኤ. እት አ/ጋሽ-በርከ

እቱ ልትሻፈል። መድረሰት ላቱ ሐቀሁ በጥረት፡ ከይሕደጋመ ተዕሊም የአተላሌት። ህታመ ልበ ምን መድረሰት ምስለ እት ደዋሐ ልትሐረት፡ ለሓርቡ ለአፈዝዖ ወሽዑብ ሰዱ ለዐለው ሙናድሊን ጌሰ። ለመራረትለ መንበረት እግል ትናድል ምን ኢጉብእ፡ እንዴ እት ዐድ ትገሴከ “ሐድጉኒ መቀትሉኒ!” እት ትብል እግል ትገሴ ትሰሚሕ የዐለት።

እት ሰነት 1976 ምስል ጀብህት ሽዕብየት እንዴ ትነዘመት እግል ትሸቁ ምንመ አንበተት፡ ለቴለል ለለሸቁ የዐለ። እት ደዋሐ ጀብህት ተሕሪር ኤራትርያ ምስል ጀብህት ሽዕብየት ተሕሪር ኤራትርያ ክልዶል እት ገዘዕ ሰበት ዐለየ፡ ክምስልሁመ ለዐድ ቅሩብ አሰመረ ምንገብእ አባይ ዶልከ እት ልትፈረር ቀንብሎ ሰበት ገብእ ጊሰት ሚዳን ሐፊት። እት ሰነት 1977 ሀዬ ፈግረት። ተድራብ ዐሰከሪ ወሰያሲ ዲብ ብሌቃት (ቅብለት ምፍጋር ጸሓይ ሳሕል) አትመመት።

ዲብ ከበሰ ዲብ እንተ ሳሕል አንዋር ወአብያት ዕሙር ክምቱ ትሰምዕ ምንመ ዐለት፡ ብሌቃት ክም አቱት ላቱ አንዋር ኢጸንሐየ እምበል ጽልመት፡ ምናተ እት ሐያተ ለጠዐመ ወክድ ለሓለፈት ዲቡ አርድ ገብእ እለ። ለምን ክለ ኤራትርያ ወካርጅ ለመጽእ አዳም ምስል እንዴ አመሕበረ እብ ሕሸመት፡ ረሕመት ሕድ ወመቅሬሕ ነብር ክም ጸንሐየ ለሐልፈቱ መእኪ አትረሰዐየ።

ነፍሰ እግል ትትረድ፡ ደማነተ እት ኖሰ እግል ትዕቤ ልትሀየብ ለዐለ ተድራብ ደቅብ ገአ እለ፡ ምናተ ክለን ለእተ ተድራብ ዐለየ፡ ሰውረት አፊት አሰመረ ባጽሐት ምን ዐለት፡ ቀደም ኢተት አሰመረ እበ ሐርብ ተሕሪር እግል ለዐርየ ምን ሐዘየ ተውዘዕ ሰኒ ደንገረየን። ምዕል ተውዘዕ ክም ተመት እት ደዋሐ አሰመረ ዲበ

ዐለት ብርጌድ አርበዕ በጽሐየ ብርጌድ ዲብ ጸሎት ወደዋሐሀ ዐለት።

ሕንቃቄ ሐንቱ ዋልዴን ምነ ምዕል ለእለ ግረ ሀቡቶምተ ጸብረተ፡ ሐጸት እንዴ ሐንፈልከ አክረርት ወጽምእ ወሰፍረ ክሂል ክም ልትጠለብ በዲረ ኣምረት ዐለት። መናበረት ሚዳን ኢፋጃአየ ትጸበር ለዐለት እንዴ ገአ ጸንሐየ። እት ዲሸ ክም ትወዘዐት ሀዬ ዝያድ ፈቱቱ። ለነብራሆም እምርተ ቅጩት እት ማይ ጩወት ለትፈርተተ ቦጅቦጅ፡ ላኪን ለፍንጌሆም ጸንሐተ ውሕደት፡ ፈተ ወሰዳየት ሕድ ሰኒ ዐጅቡተ። ለሙናድሊን “ኣነ እግል እጸንሕ እንተ ብለዕ፡ ኣነ እግል እሸቁ እንተ ዓርፍ፡ ኣነ እግል ኢሙት እንተ ጸንሕ. . . “፡ ለልብል መትሰባል እብ ፊሕ ወነሐር፡ እብ አፍ ማዝር ወክሊማት ሰያሰት ሕሉወይ እንዴ ኢጉብእ እብ ዐመል አርአውን፡ ህተንመ እንክነ ውረሰ እንዴ ኢልትጸበረ ምነ ውዳየም ወመካይዶም ኖሰን ወርሰየ።

እተ ቅዋት ለጸንሐያሀ አዋልድ ሕዳት ተን። ዲብ ክል ፈሰለት ምን ሐቱ ኢበዘሐ። ለድፍዐት ኖየ ክም ትወዘዐት ላኪን ዲብ ክል መጅሙዐትከ ሐቱ ወለት በጽሐየ። እለ ወለት እለ እተ መጅሙዐተ ለትጉብእ እለ መራዐየት ወሕንቃቄ እት ዐዳመ ርእየተ ለኢተአምርተ፡ ክሎም ክመ ሉለት እግል ኢቲደቅ ምናም ከባኩብ። እግል ኢትጀረሕ፡ እብ ሸቅል እግል ኢትፈጸዕ፡ እግል ኢትሰፍሬ ለትቀደርም ወዱ እለ። ለአዋልድን ዲብ መኣዲ አክል ውላድ እግል ለሀርሰ ሰበት ኢቀድረ አመተን ዲብ እንወዴ ንብለዕ እንዴ ቤለው ኖሰኖሶም ለትፋሀመው ዲቡ እሻራት ዐለ እሎም። ውላድ መጅሙዐተ መኣዲሆም እንዴ ከረው ገሌታይ ክም በልዐው “ብንቅሓት!” እግል ልትበሃሁ ለአነብቶ ወእለ



አሰይደ ይሕደገ የውሃንስ

ክም ትበሀለት ክል ዎር ምነ መኣዲ እዴሁ ሕርጥ - ሕርጥ እንዴ አበለ ቀንጽ። የሀው አፎ ኢትበልዖ በደንዬ ከአፎ ተሐድጉኒ ክም ትብሎም ደሐንቱ ቀደምኪ ህሩሳም ሀሌነ አትሚመ ሌጠ ገርዛኪተ ልቡሉ። እለ ክልመት እለ መዕነተ ክም አመረተ “ኣነ ዲብ መኣዲ በደንዬ ይእተርፍ” እግል ቲበል ክም አንበተት፡ በደል እንቀንጽ ምነ ምስለ እንዴ ትገሴ ክም ትበልዕ ኒዴ እንዴ ቤለው እግል ለትባልዕወ አንበተው። እግል ዐይን እት ቀበት አባይ እትለ ዐደታት ደለ አተ ምናም፡ ሽዑብ ለሀሀይቦተ ነብረ ትግበእ መብዕደት ሓጅት፡ እት ኖሱ እግል ለውዕለ ለልሐሰብ አለቡ፡ እንዴ ዐቅረወ መጽኦ እበ ወሰልፍ እግል አዋልድ ለሀይብ ምነ ወሐቀሀ እት ለመጅሙዐት ካፍለ። ንእሽ ወሕድሰነ እት ዲሸ ሰበት ዐለ እተን ከጃልያት ምንመ ዐለየ ህቶም ላቱ እግል ልሕጠረ ወእት ነፍሰን እግል ልድመነ እት ደአሎም ወሀርከኩም ለአሻራከን። ውሕደት ይሕደገ ምን ድፈዕ ዐዲሐወሽ አሰክ ሰምሀር ተሐረከት ወዲብ ሐርብ ተሕሪር ባጼዕ ለቀዳም(1978) አቱት። ክሎም ለሙናድሊን ሓጥራም ወቤዘ ወጠን እግል ልሕለፎ ዱሉያም ወኤማን ለሴፋ ምንመ ዐለው፡ ዲበ ለረኤተ ሐጠር ወፈራሰት ወፈን ሐርብ ናይ አዋልድ አንሳት ዲብ ልበ ነብር ሀለ። አብሸርኪ ሕነ ሀደፍነ እብ እስትሸሃድነ ለግራነ ሀለ ሽዑብ እት ሕርየት እግል ልንበር ክም ቱ አከዶት። ወለት አንሳይት ሀዬ ፈርሂት ኢትን ወቃውየት ሐዋትኪ ምስሊ እንዴ ልብለ እግል ሐዳይሰ አሰበተያሀን። ይሕደገ እግል አወል ዲብ ሐርብ ለአቱተ ምዕል፡ መጅሙዐተ ዲብ ባጽዕ እብ ጀሀት አጃብ አቱት። እተ ሰልፍ ኢተተ፡ ለዛይድ ትበሀል ሰኒ ትፈትየ ወትሰጀዐ ለዐለት መልሀየተ እንዴ ትጀረሐት ረኤተ፡ እንዴ ደንገጸት ብጥር ዶል ትቤ

ዛይድ “አብሸርኪ ሓቱ ጋብአት ኢሀሌት ሕለፊ” ቲለተ። እበ ኖየ ድንግጽት ዲብ እንተ ገባር ለልትበሀል ሚርሓይ መጅሙዐተ እንዴ ትጀረሐ ርኤቱ፡ እለ ዶል እላመ ሰኒ ደንገጸት። ሐቀሀ ላኪን አካኖም እግል እድበእ ብዬ እንዴ ትቤ ከብደ እምን እንዴ አቱት ዲበ ተሓረበት ወክም ሐወ ወሐዋተ ክሉ ለትክሀል ሙናድለት ገብአት። አሰክ ሰነት 1983 እት ለትፈናተ ጀብሃት እተ ውሕደተ ተሓረበት ወአሰክ ኦፐሬተር በጠሎኒ እንዴ ገአት ሸቄት። ሐቀሁ አሰክ 1985 ዕዱ መክተብ ዐሰከሪ፡ ምን 1985 አሰክ 1990 ዲብ ቅሰም እዳረት ሽዑብ(ጀማሂር)፡ ምን 1990 አሰክ 1994 እት ክፈል ዲሸ 88 እብ ደረጀት መስኡልየት ሴድያይት ሚርሓይት ፈሰለት ባጽሐት እንዴ ዐለት፡ ሐቀሁመ መስኡለት እትሳላት(ሰታፍ ምልክት) ናይለ ክፈል ዲሸ፡ ሐቀ ሕርየት ሀዬ አሰክ 1994 ዲብ መሕበር ወጠን አዋልድ አንሳት ኤራትርያ አሰክ ትሰሐብ መስኡለት ማልየት ናይለ ክፈል ዲሸ እንዴ ገአት ከድመት። ምን ሰነት 1994 አሰክ እለ ዮም እተ መሕበር እብለ ትፈናተ መስኡልያት ዲብ ትየመም ተአተላሌ ሀሌት። እተ ሰልፈ እት አቅሊም ጋሽ በርከ መስኡልየት ማልየት ዐለት፡ ሐቀሁመ ዲብ አቅሊም ዐንሰበ መስኡለት ክዳማት እጅትማዕየት ዐለት። ምን ሰነት 2014 እንዴ አንበተት መስኡለት (እም መንበር) መሕበር ወጠን አዋልድ አንሳት ኤራትርያ አቅሊም ጋሽ በርከ ሀሌት።

እለ ሕንኮታይ ምን ተጃርብ ወዝክርያተ እት ንዳል ገብእ እት ሀለ፡ እብ ፍንቱይ ሸቅለ እት መሕበር ወጠን አዋልድ አንሳት ኤራትርያ አቅሊም ጋሽ በርከ ሚ መሰል? እትለ ጥብዐት ሓሪት እግል ልትቀደምቱ።

ሓጅ ሚጃር
ወኪል ወካላት አክባር
ምዴርየት አቅርደት



ሸባብ



“ድራሰት ክሳሰ ሰሌማይት ወሰኔት መንበሮ ተ”

ዶ/ር ዑስማን ዐኪ

መዳልያይ፤ ዶ/ር ዑስማን ዐሰማን

ዶ/ር ዑስማን ዐሊ ልትበህል፤ እት መዲነት ከረን ትወለደ ወበቱ፤ ዶ/ር ዑስማን ዐሊ እት ሰነት 2021 እብ ዕመማይት ደክተረት እንዴ ትደሕረ እት እስብዳልየት ከረን ሸቄ እንዴ ጸንሐ፤ ናይ ዐመልያት ወሊድ ድራሰት እንዴ ነሐ፤ አዚ እት ቅስም ውላዳት እስብዳልየት ከረን ሸቄ ህለ፤ ዶ/ር ዑስማን እት ሸቅሉ ዕጹም፤ ሃድእ ወጣህ ገጽ ለኢልትፈንተቱ፤ ሰአዮብ ፈጅር ሰኒ ለመልኩ፤ መሰል ሰኔት እግል ሰናቱ ሻባብ ቲ፤ ከእግል ዮም ምሰሉ ለወዳናህ መቃብለት ትተላሌ፡-

ሰአል፤ ዶ/ር ዑስማን አሰናይ ደሐን መጸእኩ፤ ምስል ነፍሰክ እግል ተአትኣምረን?

በሊሱ፤ እግል ሀብኩኒቱ በክት እት ሐምድ፤ አነ ዑስማን ዐሊ እትበህል፤ እት መዲነት ከረን ትወለድት ወበቤኩ፤ ዕምርዬ ሰነት ድራሰት ክም በጸሐ ህይ፤ እት መዕሀድ እ'ድየእ መዲነት ከረን መኣንብታይት ደረጀት ምህር አንበትኩ፤ እት ሄራር ድራሰቼ ምስል ዕምር፤ ምን ደሐን መቅደረት ለዐለት እሉ ደረሳይ፤ አሰክ ብቅዕ ደረሳይ እት ዐቤ ግሰኩ እግል ኢበል እቀድር።

ሰአል፤ ከዶ/ር ዑስማን እት መደት ንእሽክ ከፎ ዐልኩ ገዳትክ ወቅድረትክ እት ድራሰት?

በሊሱ፤ አነ መኣንብታይት ደረጀት ምህር እት ሰነት 1999 እት መዕሀድ አድያእ አልእሰላሚ ከረን አንበትኩ፤ ምን አወላይ አሰክ ሓምሳይ ፈሰል ህይ ዲቡ እብ ህግዩ ዐረቢ ደረሰኩ፤ እተ ዕምር ለሀይ ንእሽ ሰበት ህለ ክም ክሎም ደረሰ፤ እብ አማን መንፈሪት ድራሰት እፍህም ዐልኮ እግል ኢበል ይእቀድር። ዋልዴን መድረሰት ጊስ ሰበት ልብሉክ ሌጣቱ ለትገይሱ፤ ወመቅደረትም ደሐን ዐልኮ እግል ኢበል እቀድር። በህለት ካልኣይ አው ሳልሳይ እፈግር ዐልኩ፤ አወላይት ደረጀት ላኪን ኣቲ የአነ።

እት ድራሰት ምን ሳልሳይ ፈሰል ወሐርቱ እግል እሸቄ ለአንበትኮ እግል ኢበል እቀድር። እትሊ ወቅት እሊ ድራሰት ልትፈሀመክ ወጀህድመ ምስል ናይ ዋልዴን ናይክ ትወሰክ። ምን ሳልሳይ ህይ አወላይ ጃእዘት ወየኒት እት እነሰእ መኣንብታይት ደረጀት ምህር ከለሰኩ።

ምኑ ምግባይት ደረጀት ምህር እግል አተላሌ እት መድረሰት መጋራሕ ግሰኩ፤ እተ ወቅት ለሀይ፤ መጋራሕ ክም ግሰኩ፤ ድራሰት ክቡድ እትነ ዐሊ፤ ለሰብ ህይ አነ መኣንብታይት ደረጀት ምህር ክለ እብ ዐረቢቱ ለደረሰኩ። እንግሊዝ ክም ህግዩ ሌጣቱ እንደርሰ ለዐልኩ። ከሳድሰ ፈሰል ለድራሰት ክለ እብ እንግሊዝ ሰበት ተ ከብደት እቼ።

ምስል ወቅት እብ ሰዳይት ሕቼ ዐባይ፤ ዋልዴንዬ ወወሰክ ድራሰት ቅድረቼ እተ ናይ በዲረ እግል ተአቅብል ቀድረት። እሊ ህይ፤ ቃሙስ እንግሊዝ እት እትነፈሶ፤ ወቅቼ፤ ሚ እግል እውዴ ብዬ፤ እብ ከአፎ ክል-ዶል አወላይ እፈግር ወቅድረቼ እጠውር ውበዕድ እት ሐሰብ ገጽ ቀደም እግል ሄርር ቀደርኩ። አሰክ ሳምናይ ፈሰል ህይ የኒት እት እፈግር፤ እት ሳምናይ ፈሰል 96 ምእታይት እንዴ አምጸእኮ እት ምህር 2ይት ደረጀት ተዐዳኩ።

ሰአል፤ እት ዐለሞትክ ተረት ዋልዴንክ ከአፎ ትሸረሐ? ወሰክ ድራሰት ህይ አክል ሚ ተረት በ እት ፍድብ ደረሰ?

በሊሱ፤ ተረት ዋልዴን ምህመት ተ። እግልሚ፤ ንኡሽ ሰበት እንተ ገበይ ለለርኤኩ፤ ከአፎ ወቅትክ ትትነፈሶ ወላዘም ሸቅል ቤትኩ፤ ፈሰልኩ፤ ፕሮጀክታትክ ውበዕድ እብ ገበይ ክም ሸቄ ህሌክ ለራቀብክ ተሐዘ። እናመ ዋልዴንዬ ታብዑኒ ዐለው፤ ምለዐል ክሉ ላኪን ዐባይ ሕቼ መረ ፈዳቢት ዐለት ወትሰዴኒ ወትራቅብኒ ዐለት። ወሰክ ድራሰትመ ሰኒ ሰዴኒ፤ ክም ህግዩ እንግሊዝ፤ ኮምፕዩተር ውበዕድ እት ድራሰቼ ወቅድረቼ ዲብ ወቀሎት ተረት ዛይደት ዐለት እሉ።

ሰአል፤ እት ድራሰት 2ይት ደረጀት በቃዕትክ እት ድራሰ ከአፎ ዐለት? መዳላይ እምተሓን ማትሪክ ወሳወ ህይ ሚ ትብለን?

በሊሱ፤ መድረሰት 2ይት ድረጀት እት መድረሰት ሰከንዳሪ ደረሰኩ። ለምሳሌም እደርሰ ዐልኮ ደረሰ ህይ ቅድረት ለገም መትጃግረት ቶም ለዐለው። እትሊ ህይ፤ የኒት እግል ትፍገር ገአክ ምን ገብእ ጅህድ ትሩድ ለአትሐዘኩ። እት ታሰዳይ ፈሰልመ የኒት ናይ መድረሰት ፈገርኩ። እት 2ይት ደረጀት ምህር ክም ኦቴኩ፤ እት አወላይ ሰሚሰተር ቱ ቅሩብ ክቡድ እት ኢኮን፤ ሐር ምደርሲንክ ሚ እግል ትሕፈዝ ክም ብክ ሰበት ለአሰእሉክ ወተኣምር፤ ድራሰት እት ቀልል እክ ትገይሱ።

ሳወ፤ ላዘም ለገአ ደረሳይ እግል ልብጸሐ ለወጅቡ መዲነት ሸባብ ተ። ሕነ እብ ተረትነ ለበዝሐ መዳላይ ወሕፍዝ እንዴ አትመምናቱ ለትከፊኩ፤ እት ሳወ ህይ ምስል እብ ምደርሲን ለትትህየበን ድራሰት፤ ደገም እንወዴ ዐልኩ።

ዲቡመ ህይ ምነ ናይ ሰከንዳሪ ደረሰ ወለዐል ለፊድቦ ደረሰ ሰበት ትጃገር ቅድረትካመ ተዐቤ። ብዕድ እብ ሰበት ሐያት-መሐበራይት ወለኢተኣምሮ ብዙሕ ጠባዩዕ ወአክላቅ አዳም ትትኣመር። እሊ ነፈር ታምም እግል ትግበእ ሐዞቱ ዐባይ ተ። እት ማትሪክ ህይ 3.6

እንዴ አምጸኮ አሰክ ጃምዐት አተጀህኩ።

ሰአል፤ ሐያት ኩልየት ህይ ከአፎ ትሸረሐ? ክሰብን እግለ አዚ ኩልያት ለኣቱ ለህለው ነኣይሽ ሸባብ ሚ ምክር ተህይቦም?

በሊሱ፤ እት ሳወ ንቅጠት ክም አምጸኣኩ፤ ክልክ ሐቱ ቅድረት ለብክ ምስል ቱ ፍረሽማን ለትደርሰ። ምን እሉም ክሎም ደረሰ እንዴ ተዐወትክ እግል ትፍገር ለካድም እብ ዝያድ እግል ለአተላሌ ቡ እብል። ናይ ማትሪክ ንቅጠት ውቅል እግል ትቅሸሸክ አለበ። ለናይ ማትሪክ ፍገሪት ናይ 2ይት ደረጀት ቅድረትካቱ ለተርኤ ድኢኮን፤ እት ማትሪክ ሰኒ ሰበት ሸቄክ ከሳስ እንተ ፈዳብ እንተ፤ ወካድም ኢለአትሐዘክ በህለት ኢኮን። ላዘም አሰሉብ ሕፍዝክ እግል ሊዚድ ወመትነፈሪት ወቅትካመ ራቱዕ እግል ልግባእ ለአትሐዘ።

ክእኒ ለእቤ ቡ ሰብብ፤ ሰርም ደረሰ ኩልየት ክም አተው እት ተምሸየት ወሄሳት ሰበት ቀፍሎ፤ ሐር ወቅት ክም ጊስ እግል ልብሎሱ ለኢቀድሮ እተ ትዕስ ትሳድፎም። ምነ አምዕል ለኩልየት አትዋተ እግል ልሕፈዞ ጦም እብል። ብዕድ፤ እት ኩልየት ክም 2ይት ደረጀት ምህር ምደርሰ ክሉ ለለአትሐዘክ ኢኮን ለለሀይበኩ፤ ወላመ ድራሰት ኦሮ ክታብ አው መደርሰክ ለሀይካቱ ‘ሃንድ አውት’ ሌጠ እንዴ ትነፈዐክ እግል ልትፈሀመክ ኢትቀድር። ዝያድ ክትብ እግል ትፈትሽ ለአትሐዘ። ለሀበትክ ክዴክ ምን ገብእ ህይ ዐውቲክ ላዘም ቲ።

ሰአል፤ ዶ/ር ዑስማን እንተ ምን ኩልየት ሕክምን ትከረጃኩ፤ እት ኩልየት ዓፍየት ለጸንሐኩህ ሰናታትክ ከአፎ ትሸርሐ?

በሊሱ፤ አወል ለሕሰስ ወጽበጡ ፋይሕ ቲ። ክል ምዕል ህይ አው እት ሕፍዝ አው ዕያደት እግል ተህሌ ብኩ። ላመ ሰናታት ህይ ብዙሕ ቲ። በስ ምራድለ ደርሰ ወኣዳም እግል ትዳዌ ወትሳዕድ ምራድ ብክ ምን ገብእ ላኪን እሊ ክሉ ቀሊል ቲ።

ሰአል፤ ከአዚ እት ሸቅልክ እግል ንትዐዴ፤ እት ከረን ትወለድክ ወበኩ፤ ድራሰት ክም ከለሰኩመ ህይ እት ከረን እግል ትሸቄ ዶል ትወዘዘኩ እብ ሚ ሸዐርኩ?

በሊሱ፤ አወል እት ክል ሸብር ናይ ኡረትርዮ እግል ንሸቄ፤ ክሉ ሐቱ ቱ ወእብ ፈርሐት ንትከበቲ። እትላ ትወለድክ እተ ዐድ ገአ ምን ገብእ ህይ፤ ምን ረውደት ታቱ ለአበለውክ ሸዐብኩ፤ ድራሰትክ እንዴ ከለሰክ እግል ትክደሞም ወትዳውዮም ዶል ትመጽኦም እብ አማን ራሐት ደሚር ለሀይብ።

አነ ህይ ክምሰልሁ በክት ሰበት ረከብኩ፤ እብ ዓመት እግል ዲብ እሊ ደረጀት እግል እብጸኡ ለሰደውኒ ዋልዴንዬ፤ ሸዐብዬ ወሕኩመቼ እት ሐምድ፤ እብ ፈርሐት እክድም ህሌኩ። ሰነት 2019 ቱ ከረን



ለመጽኮ ውበዙሕ እንዴ ይእጸኔሕ ዐመልያት ናይ አውሎዶት እግል እድረሰ አስመረ አቅበልኩ። አዚ ህይ፤ እት ሳልስ ሰነት እገይስ ህሌኮ እት እስብዳልየት ከረን ቅስም ውላዳት ክም ቁድራይ ዐማልያት-ወሊድ እንዴ ገአኮ እሸቄ ህሌኩ። ክ'መ ተኣምሩ ዐመልያት ውላዳት፤ ክም ዕመማይ ሐኪም ለዐልኩሁ ኢኮን። ዝያድ መሰኡልየት ቱ ለልእጸውረኩ። ብዕድመ ሐቱ እም ምን ረዩም ብሩር እት ከጠር ዲብ እንተ ትመጽእኩ፤ ከዝያድ እግል ትትሓፈዝ ጀብረኩ።

ሰአል፤ መንገፎ እም ወዐልቀተ ምህም ጋርቲ፤ ደሐን እም ወውላዳመ ህይ ሐቱ ምነ አግደ አክሬዕ ውዛረት ዓፍየት ቲ ከእሊ ምህም ክፋል ዓፍየት ከአፎ ትሸርሐ?

በሊሱ፤ ሐቱ እም ኩጥርት ወትዕበት እት እንተ ምን ረዩም ኣካን ትመጽእኩ፤ የምክን ዳይም አምራድ አውመ ምስል ዕምሰን ለመጽእ ጪቅት ደም ለዐሌ እሊ ወኢተኣምሩ ውብዕድ። እሊ ክሉ እንዴ ጸብጠት ትመጽእክ እት ህሌት ህተ ወጅናህ እብ ሰላም እንዴ ትፈረጀት ዶል ትርኤ እብ አማን ራሐት ደሚር ለክልቅ ቲ።

ብዕድመ ለወቅት ሰዱድ ቱ ድኢኮን ሐጪር ቲ። ላዘም ሐቆ ዕሰረ ወእርበዕ ሳዐት ፍገሪት ካድምክ ለትርኤ እቱ ቲ። እብ አማን ሸቅልክ አክል አዩ ምህም ቱ ወእት ሐያት ዓይላት ወሸዐብ ሰኔት ተረት ተኣገዳ ህሌክ እግል ልትፈሀመክ ቀድር።

ሰርም ልድሕሩኩ፤ ሰርም አብሸርክ ልብሉክ ወእንታመ ዋጅብክ ሰበት ገአ ዝያድ እግል ትክደም ለአትናይቲኩ።

ቀደም እትሊ ቅስም እመጽኤ፤ ክም ሐኪም ዓም እት ብዙሕ አፍረዐት እስብዳልየት ከረን እሸቄ ዐልኩ፤ ላኪን፤ ምስል እሊ ናይ አዚ እት ተኣትጃግሩ፤ ለካድም ናይ አዚ ዘይድ። ብዕድ፤ ዐመልያት ናይ ሕበር ሸቅል ቲ። ነርሳት፤ ለበንጅ፤ ሐካይም ውብዕዳም፤ ዕውትት ዐመልያት እግል ትውዴ ህይ ተረት ናይ ክሎም ምህመት ቲ። እብ ክእኒ ገበይ ሸቄ ህይ እት ክምኩም ዐቦት ወጠን ለአበጹሕ እብል። እብ አማን ህይ አሰናይ እትሊ መጃል አቲኮ ለአተብለኒ።

ሰአል፤ ዲብ ኣክር እግል ሸባብ እግል ቲበለ ለትሐዘ ምን ተህሌ?

በሊሱ፤ አነ እግል ኢበለ ለሐዘ፤ ድራሰት አሳሰ ሰኔት ወዕልማይት መንበሮ ቲ። ክሎም ሸባብ ህይ ክም እነ ጅንስ ሐያት እግል ተህሌ እሉም ወእት ተጠውር ወመትቀዳም ሸዐቦም ተረቶም እግል ለአግዱ ገአው ምን ገብእ፤ ላዘም ለሀቡቶም እግል ልክዐው፤ ለኢልትሐለሎ ወሰኣዮብ ሰኔት ለገም እግል ልግብእ ጦም እብል። ከእት ምህር 2ይት ደረጀት ልግባእ መኩልያት ለህለው ሸባብ፤ ፈጅር ሸዐቦም ወወጠኖም እብ ቅድረት እግል ልክደም ገአው ምን ገብእ፤ ላዘም፤ እብ እንትብህ ለልትህየጦም ዕልም ወበሰር እግል ልክሰቦ ጦም እብል።

- እሊ ኩሉ እብ ሰቡብዬቲ ለሐሰለ?

እብ ረሕመት እቅምት እንዴ አበለየ ክም እለ ቤሉ፡-

- ፍዛኪ ልውዴኒ ወእኪ ለተሐዜ እኪት ኩሉ ሐዘነዬ ሌጠ ልውደየ፣ ሐሊብ መጠቅ ትመስል ተበሰም እንዴ ወዴት ክም እለ ትቤ፡-

- እለ መረት እለ ላቲ ላመ ወቅት እግል ልርሐም ዲብናቲ ኢመስለኒ።

እብ ክለ ሐለቲ እንዴ አ'ተንፈሱ፡ እበ ክልኤ እሱፋት ዕንቴታቲ ክሌሕ ቤለየ። ህተ ህዬ ሰእየት እግል ተሀቡ ክም እለ ትቤ፡-

- ቀደሚኒ እብ ሰእየት ለትመለኦ ፋይሕ መብተቅበል ሀለ። ክመ ሞት ትተምነየ ለዐልክ አዜ ሐዮት ሌጠ ተምኔ።

ሰኒ ልወቅ ወፋሬሕ እት እንቲ ክም እለ ቤሉ፡-

- ሞት ልብዬ ለትቀትል እበ ሐለት አለበ ..

ለጭብዕተ እተ አፋሁ እንዴ ከሬተ ክም እለ ትቤ፡-

- ክም እለ ኢቲበል።

ህቲ ላተ ሰኒ ድዩር እት እንቲ ክም እለ ቤሉ፡-

- ሞት ቅብላትለ ሻም እግል ዲመ ደማይን ክም ትነብር ለወደዩ ልብ ሚ እግል ቲዴ ትቀድር?

ህተ ህዬ ክም እለ ትቤ፡-

- ዲብለ ሮሻን እግል እጸበር ቲ።

አስክ ብሽራት ዐውቲ ወእቅባለት ኢሰምዐኩ፡ ሐራምተ ምነ ሮሻን ተወዝ እግል ይኢበል!

- እሊ ወቅትለ መትፈናታይነ እግል ልሕጨር ዲብ ኣልህት ደግነ ንውዴ።

- ሰኒ፡ ጀላብ በታሕ እግል እትሰሌቲ። ምናተ አዜ ወቅት ሰበት ኢህለ ሐር ዲብለ ቀስር ክም አቅበልኩ ለሐይሰኒ።

ለጣግየት እተ ረኣሰ ገፍተአተ። ለጭገር ጸሊም ክም ተሐበዐ ምኑ ሰኒ ሰበት ተኣሰፈ ክም እለ ቤሉ፡-

- በደል ምንኪ እትፈንቲዲ ለቀሌት ምን ገናበትዬ እንዴ ገረብኩ ምን ሀይብ ወሐሬት!

እበ ክልኤ ዕንቴተተ ለኖር ሻም ወሰእየት ክዱናት ዐለየ እቅምት አበለቲ። ምናተ ለገጹ ልትደወን ለህለ ወላመ ልቡ ዐደድ እለ ሮዮሕ ክም ኢህለ ትረኣየ። ከሰበት ትሻቀለት ትሰላለቲ፡-

- እብ ሚ ተሐሰብ ህሌክ?

ቅህር ዲብ እንቲ፡-

- እብ አሚር አብምር፣

ክም እለ እት ትብል ትሰሐቀት፡-

- እሊ ከበር ለመደቲት ሐቲ ለአዳም ልትገረሩ ዐለ እንታመ ሰመዕካሁ? ምንኮርተ እለ፣ ዲብ መሰር ወለምስጢር ቤት ፈርዑንመ ምን ገብእ ለልትሐበእ ጋር ይህለ። ምናተ እንተ ገሌ ምን ሰመዕክ ብዘሕት ትሰተረት ምንከ። ለአሚር እናሰ ሰኒ ሕሹም ወበዐል አደብ ሰኒ ቲ። አምዕል ሐቲ ተሀጃጀኪኒ - እብ በይ'ነ ዲብ ሕነ - እብ ክሰሰለ እሉ ሰመዕክ ጋር። አነ አዕተዘርኮ ምኑ ወክም እለ እቤሉ፡- አነ መሰንዩቲ ሌጠ እግል እግበእ

ተመህ ቀደር



ክም እትዐሽም፡ እምበል ሸክ እሊ በሊስ እሊ ልታክዩ ይዐለ። ምናተ ለሕሽምት ተበሰሙ እንዴ ወደ ክም እለ ቤሌኒ፡- አነ አማን ወሕርየት እፈቲ። ወምነ ለይእፈትዮን ጋራት ሐቲ ነፍሰ ሕሽምት እት ኢቀልበ እግል ትትጀበር ይሐዜ።

ደደፍ ሰኒ ልወቅ እት እንቲ፡-

- እናሰ ሰኒ በዐል ሕሽመት ወሰብነት ኢኮን ገብእ!

- ሰኒ። ወእምበል እሊመ ..

- እምበል እሊመ እት ፍንጌነ ለበዋር ጋር ሚ ህለ መስለኪ? በህለትዬ .. ምን ፈርዑን እፈርህ ህሌኮ!

እብ ክጅል ተሐት እት ተኣድኖኔ ክም እለ ትቤ፡-

- አቡዬ ዲብ አሮት ምነ ፈትዮም አንፋር ሸዐቡ ለልትሓበር ሰልፋይ ፈርዑን ሚቲ ሐሬመ!

ለህግያህ ልቡ ፈተየ ወላመ ክ'ጅለ ምን ቅያሰ ወለዐል አስከረቲ። ወላመ ርሐ ሰኒ ሄመት ዲበ። ከእበ እዴተተ ጽብዋ አበለየ - ለሸክምለ ሐሰት ዲብለ ገጸ እግል ተኣልዋእ ተሐዜ ዐለት። እሊ ኖራይ ገጽ እግል ልትሐበዕ ምኑ ርሐ ኢወዴተ እሉ። ለእዴህ እተ እዴሁ አብረደተ። ለተማታምለ አጩብዓት ማርያት ክመ እተ ሀይኣትለ ሰሕር ገበእ እሉ። ለመንደላይ እተ ቀደሚህ እንዴ በርከ እተ እዴህ ሰዕም አበለየ። ህተ ህዬ ክም እለ ቴለቲ፡-

- ደሐን ወሰላመት አታሌኮክ ወኣልህት ኩለ ምስል ትዕቀበከ።

ሐቆ እለ ሸክምለ ሐሰት እተ ገጸ እንዴ አልጠኣቲ። ለጣግየት አስክለ ሐወጅበ ትበጽሕ ተሐት ጨቅጠተ። ወዲብለ ሀይኣትለ ልኡክለ ዊርሳይለ ዐራት ዐቅበለት። ግራህ እንዴ ኢትሀይቡ እዴህ እተ ነሐረ እንዴ አቴተ ለሰራቲት ለንኢሽ ለጠቢዐት ሰብብ እግል እሊ ግሩም ሻማት ለወዴተ እለ እንዴ አፍገረት፡ ትም እት ትብል ሀበቲተ። ሰኒ ፋሬሕ እት እንቲ እንዴ ትከበተየ ሰዐመየ ወእተ አካነት ለገዲመት እተ ነሐሩ ሎሽየ። ተበሰም ሰርሐ ወዴት እሉ። ወእግል ተኣስሕቁ ክምሐዜት እትመስል እት ትደኣል ተሕየት ዐስከርየት ወዴት እሉ። ወክመ እተ ጅኑድ እት ገናድል ፈግረት ምኑ።



እሊ መንደላይ ለአዜ ምን ክትር ፈርሐት ወሰእየት ገጹ ኖር ግልቡብ እት እንቲ ሐድገቲ። ዶለ ምጽአተ ሹቁል ወርሐ ካርህ ወዲብ ህም ወቀም እንዴ ትከረ ልቡ እ'ተውህ ወዐቅሉ ሰሉብ ምኑ ዲብ እንቲ ለጸንሐየ ኢኮን። ለሻም እግል ርሐ ምን ሐዲሰ ሰበት ከልቀየ ምን ሞት እብ ሐዲሰ ሓየየ። አዜ ዲብ ሐንገሉ - የም አለቡ ልወቅ ከያላት ልትረኣየ ሀለ። ናይለ ሐልፈ አዋይን ቅሩብ ጋናት እት ቀደሚሁ ኬን ወእንሰር ልብለ ህለየ። መዕረድ ናፈ ለግሩም። ለሶታይ ወረሐብ ግንራራብ መሓዝ ኒል፡ ክራምለ አዋልድ ለገራይም፡ ሐቆ እሊ ኩሉመ ለሐዘኑ ወለቡቲክለ ሰእየቲ። ወለ ርሐ ለምስል ኩሉ ሰብረ ወቅወተ እት ሐጨር ወቅት ለደዐፈት ትፋቀደ። ሐቆ እሊመ ምን ኩሉ ክም አግኸዐ ወሰእየት ክም በትክ ለፈግረት እቲ ጸሓይ ሰእየት ትዘከረ። ከእዲነ ወሻማት አክል አሕድ ክመ እተ ነሀር ለእግለ ጃርዲን ለአሰቲ። ወለ ጃርዲን እበ ግሩም ዕንቦግታቲ ወለፈርያቲ ወለሰራይር ጨቅ ጭሪቅ እት ልብለ እቲ ወለማየ ዋዑም ልብ ለሸፈ መ'ሰለየ። ከዴማትለ መሓዝ ደፈ ምን ገብእ ለጃርዲን እንዴ ትሰዋሰ ወዮብሰ ለግርመቲ ምክራየ ትትቀዌ ወድምነት እብ ብራቀ እንዴ ገበእ ተርፍ።

ዲብ እሊ ሕሳባቲ እሊ ዲብ ተውህ ምጽአት ሰንፍሮ ነፈዘቲ። ለሓብዋ ኩሉ ሸእ ዱሉይ ክም ህለ ሐበረዩ። ከተብጊሰት እግል ለዐልን ሰፋረት እግል ልዝበዋ አመረዩ። ሐቆ እለ ለመዐስከር እብ ሐረከት ዲብ አሕድ ተሐት ወለዐል ዐቦረገ። ሙሲቀት ትዘበጠት። ምልምለትለ ጃሽ ትበገሰት። ደደፍ እተ ዐረብየትለ ሚርሓይ ለሰንፍሩ ሰውግ ዐለ ዲብ ትጸዐገ። ላመ ዐባዩ ድባዋ ትጸዐገው ወእተ ምግብለ ፍርቀትለ ዐጀላት አተው። ለሰፋረት ምን ሐዲሰ ክም ነቅመት፡ ዐረብየት ደደፍ እት ፍንጌ ክልኣት ሰፍ ናይለ ዐረባትለ ድባዋ እንዴ ገብኣት እተ ምልምለትለ ጃሽ ገጸ ቀደም ትበገሰት። እተ አሰሮም ህዬ ፍርቀትለ ዐረባት ትበገሰት። እተ አሰራመ ፍረቅለ አጋር በደርገን ራፍዓት እት እንተን እተ ሰልፈን

ፍርቀትለ ከወኒ ወእተ ደንጉባህን ፍርቀትለ አርምሐት ወእት አሰረ

ፍርቀትለ አሰዩፍ እት ገበእ ትበገሰዩ። ወእተ አሰርለ ጃሽ ለዐባዩ ዐረባትለ ሰፈ ወኣስልሐት ወኣሰርየት ሰብ አፍሩሰ ክለብን እት እንተን ትበገሰዩ።

ለዴሽ እግለ ባዶብ እንዴ ሰዋረ፡ ገጹ አስክለ ከሌብ ለዐቢ ለቀባይል ሲናይ መስከብ አማን ወደማን ዋድያቲ ዐለየ አተጀሀ።

ጸሓይለ አሰቡሕ እንዴ አትመመው ከእተ ጸሓይለ አደሐ ትቃመደው። ወልቡሉ ውዕላም እንዴ ዐለው እተ ብሩድ ሽሚላይለ ምሴ ሰኒ ወአማን ክመ እተ አወንን ገጸም ቀደም አሳደረው። ለምድር ምነ ክዩደም ትመጽጽ ዐለት እት ኢኮን፡ ህቶምዲ ዲብ ተዐብ ኢትሐሰረው ወዲብ ሰፍረ ወጽምእ አስክለ ሀደፎም ገጸም ቀደም ሌጠ ለአሳድሮ ዐለው።

ከባብ

በጃይብ ሽምትሓን

ጀኔታይ ሸበንክላይ እት አካን ዕዳገ አተ። እትለ ሐንለ ከቢነትለ ተለፎን ሰንዱቅ ናይ ኮካ ሰሐበ ከእብለ ተለፎን እግል ለዐሬ እተረኣሱ እንዴ ዐርገ ከእበ ተለፎን እት ልትሃጌ አንበተ። በዐለ አካን ለጋር ልብ ሰበት ከረ እቲ ሀገጊትለ ጀነ ተማም አተንሰዩ።

ለጀኔታይ ክም እለ ቤሉ፡- “መንባይትዬ እት አትጋረሞትለ ጃርዲንኩም ምስልኪ ሸቅል ሚ ትረክቢ እግልዬ?”

ለእሲት ክም እለ እት ትብል በልሰት፡ “እሊ ሸቅል እሊ ለወዴ እግልዬ ነፈር ህለ ባክዬ።”

ለጀኔታይ፡ “አነ እብ ሰር ናይለ እግል ነፈር ለሀይ ተህዩቡ ለህሌኪ ማል እግል እሸቄ ምስልኪ ማኔዕ አለብዬ።”

ለእሲት፡ ሸቅ'ለ ነፈር ሰኒ መብሰጡት ምኑ ክም ተ ወእብ ብዕድ እግል ትበድሉ ሸንሀት ክም አለበ አሰአሉቲ።

ለጀነ ሐቆ እላመ መትባልሐት ምነ አበ ወሰኒ ወአማን ክምእነ እት ልብል ተሐሰበዩ፡ “ቀደምለ ቤት ለህሌት ገበይ ወለረሲፍ እብ ለህ እግል አንድፎም እግልኪቲ። ወለ ጅኔነትኪ ለገረመት ጅኔነት እተ መዲነት ክም ትገብእ እግል እውደያ ቲ።” ለእሲት ምን ሐዲሰ አዜመ፡ ኢፋልዬ ቴለቲ።

ለጀኔታይ ገጹ ባርህ እት እንቲ ወሰሕቅ እት ልብል እግለ ተለፎን ደብኣዩ፡ በዐለ አካን እግለ ህግያሁ ለአተንሴ እንዴ ዐለ ቅርብ እንዴ ቤለ እቲ ከክምእነ ቤለዩ፡ “ሰኒ ፈዳብ እንተ ለሀገጊትክ ሰኒ በሰጠኒ፡ አነ ህዬ ክምእነ ናይክ አደብ ወጠቢዐት ለም አዳም ሰበት እፈቲ ወእብለ ሰበብ እንተ ዶል ትዋፍቅ እትለ አካንዬ ምስልዬ እግል አሸቄክ ንየት ብዬ።

ለጀኔታይ፡ “ኢፋልዬ፡ ምናተ እተ እሉ ሀብከኒ በክት ሐምዴዬ ትበጸሐኩ፡ አነ ምስል እ'ለ እለ እትሃጌ ለዐልኮ እሲት እሸቄ ህሌኩ፡ ምናተ ለሸቅልዬ አክል አዩ እብለ ተኣሰትህል ገበይ እወድዩ ክም ህሌኮ እግል እትኣከድ ምነ ምን ሐዜኮ ቲ ለክምስልሁ አትሀጋዋየ ዐልኮ” ቤለዩ።



ዎሮት ግሉል ቀደም ሞቲ፡ “ዶል ለእለ እመይታ ቲ፡ ለከፈፍለ ገሮብዬ እምበለ ሐግነት፡ ክሉ እግል ሕጉዛም ብሮዕ እቡ ህሌኮ” ቤለዮም። ህቶም ህዬ፡ “ለሐግነት ህዬ ደሐንነቲ አፎ አትረፍካህ” ቤለዉ። ኢትጽበጦ ዲብዬ፡ ለፈቃዲትዬ ሰወር ዐድነ ሰበት ህለ ዲባ ቲ” ቤለዮም።



2^ይ ወናይ ደንጎበ ክፈል

አንፋር መሕበር ጀማሪ ሳሕል ምን አስመረ እብ ጥያረት አስክ ቅብለት ሳሕል ወእብ ፍንቱይ እምሆሚሚ ሳፍሮ ዲብ ህለው፡ ለእብ መሸንገሉ ለሐልፎ ለወለው ምድር ደብሩ ወጋድሙ ክሉ ነናዩ ዝክርያት ወሰብርቤብ ክልቅ እቶም ዐሉ። እብ ፍንቱይ ለዲብ ፅምር ንእሾም ጀላብ ንዓል ዲብ ልብሎ አስክ ሳሕል ልደረው ለወለው ሸባብ ሰብዓታት አክለ ፈቅደው ህዩ ለመራር ወረደም ገበይ እብ እገሮም ካቲረ ዲብ ህለው ልትካዩል እሎም ዐሉ። እብሊቱ ህዩ ምን ዳጉሙ ትም እንዴ ቤለው ለለአስተንቲኑ ወክድ ዘይድ ዐሉ። እሊቱ ህዩ ለሰርቤብ ወሰፈላል።

ሸባብ ማሌ ዲብ ናይ ንዓል ወክድ አስክ ሳሕል ገይሶ ለወለው እቱ ወክድ፡ ዓማሮም ንኡሽ ምንመ ዐሉ። ጀላብ ማል ወመንበረት ሰኔት ኣብሐር ወሕዱድ ጸርም እንዴ ተዐርረው እግል መንበረት ሰኔት እንዴ ቤለው ትጃረት ወማል ኢተምነው። ትምኔቶም እለ ዮም ንትመተፅ እተ ለህሊነ ሕርየት ሌጠ ዐለት። እለ ዮም ሕነ እት ሕርርት ኤረትርየ እት ከርስ ሐቱ ሳዐት ለጣዩምናህ ገበይ ረም ህቶም ላተ ምስል ጽምእ ወሰፍረ፡ ትርሃን ወኢመስከብት ዲብ ገበይ ለአስተሸህደ ዲብ ቀብሮቶም ለሐልፈው። ሽዕቤ ላብ ማይ ኡሊ፡ ለብከ፡ ወለትሸከር፡ ምዕጥር፡ ጋድሞታት ደውደው፡ ኣብድርባቡ፡ ግራት፡ ገለብ-ሰግሉ፡ መልሀቱ፡ ሻካት ወድጋን ወብዕድ ህዩ ምድር ታሪክ ወንዓል ተ። ህቶም እትለ እብ እገሮም ሐድ ሳምን ለሄረረው እተ ገበይ እብ ጽምእ ወሰፍረ እንዴ ተክለው እትሊ ዮም እብ ዐረዲሁ ፅዛል ጥያረትን ዲብ ነዐፌ ንትፊተት እቡ ለዐልነ ጋድሞታት ለወድቀው ወለአስተሸህደው ፍራስ ሕዳም ይዐለው። እሊ ጋድሞታት እለ፡ ለሐዳደስ ምናድሊን ጀላብ እስትሸሃድ ለአስተሸህደው እቱ ምድር ሰሙድ ወኢመትሐላልቱ ለዐሉ። እብሊቱ ህዩ መልሂቶም እግል እለ ገበይ እለ “መንገዲ ሰማእታት” በህለት ገበይ ሹህደ ለትብል ሰሜት ክርስ አተምበለው። እብ አማንመ ገበይ ሹህደ!

ለሳዐት 7:30 ምን አስመረ ለትብገሰት ሄለትፕተር ሳዐት 8:30 ሐቆ ናይ ሳዐት ሰፈር ዲብ እምሆሚሚ ተረብ ትቤ እብከ። እምሆሚሚ ምን ሰር ሰብዓታት ሀይኢት ተድራብ እንዴ ገብእት፡ ብዝሓም ሸባን ለትደረበው እተ ታሪካይት አካንተ። ግራሁመ መርከዝ ናይለ ሐቆ እንሰሓብ እስትራተጂ ናይለ እት ቅብለት ሳሕል ሻፍፍ ለዐለ እብ ውቃው እዝ ለልትአመር ዌራይ ጄሽ ኡቶብዩ ዐለት። ሐቆ ሕርየት ህዩ ለሸቱት ዐለ ሰብእ እንዴ አቅበለዩ ሐቱ ግርም መዲነት እንዴ ተአሰስ እት፡ ዮም ዓሲመት ቅብለት ሳሕል ወእብ ፍንቱይ ምዴርየት ቅርረ ጋብኢት ህሌት።

እብሊቱ ህዩ፡ መሕበር ጀማሪ ሳሕል እብ አሳሰለ ዲብ እምሆሚሚ እግል ልሰርጉሉ ራሰማሙ ለዐለው በርናምጅም፡ ሳዐት 4:30 ናይለ አምዕል ለህ (27-28/10/ 2023) ለሐልፈ ወናይ ምስተቅባል በራምጁ እግል ልጌምም ወልኤትን፡ ወምስለ ምን ክለን ምዴርያት ሳሕል ለመጽአው ዌርሰት ሸባብ እግል ለአውርስ ወመስኡልየት

ሰፈር ሰርቤብ ወሰፈካኬ!

እማንት ሹህደ እግል ለአርፌዕ ለአመመ በርናምጁ አስተብደ።

እሊ ሰፈር እሊ ዝያደት ግርመት ለሀብቱ ህዩ፡ እብ ዝላም ለተለ ሰበት ዐላቱ። ለጨብላይ ጋድሞታት ሳሕል ወለሶታይ አድብር እብ አበርቅ ወሀዳይድ ለተሌት ዝላም ቀይም በህለት አውል እብ መታዊት ወዕራይ ሸወንን ወዴቱ። ለእብ ቅምቤት መዲነት እምሆሚሚ ለለሐልፍ ሕሊል ርሒብ ህዩ፡ እብ ወሓይዝ ዲብ ለሀምም፡ እምሆሚሚ እብ አማን ምድር ህማማት እት እንት ትመዩት ወአጽበሐት። እሊ ህዩ፡ እግል ሰካን እምሆሚሚመ” ዮም እግር ድንሰት ወጋሻይ በኪት ዔሬ” ለልብሎ እተ መናሰበት ሰኔት ገብኢት እተ።

ፊጅራተ ዮም 28 አክቶበር ጽብሕ ምድር እብ አሳሰለ ርቱብ ለዐለ በርናምጅ ምን እምሆሚሚ አስክለ ዲብ ሕዱድ ሱዳን ወኤረትርየ 45 ኪሎሜተር ራይመት ላተ ቅርረ ትብገሰከ። ሄራር አስክ ድጌ ቅርረ እብ መካይንቱ ለዐለ። አስክለ አካን እግል ብጽሐት እግል ሕሊል ርሒብ እብ ዲብ ዮም 27 ዲብ ረወሪት ነቅፈ፡ ተቤሕ ወድሞራት ዐምበርብብ ለዘልመት ድቅብ ዝላም ለዔረ ወሒዝ ማልእ ጸንሐከ። ለክም ክታር ደርብ ሕድ ለአሲርር ለዐለ መካይን ህዩ እግል መደት ሐጫር ዲብ ጠረፍለ ሕሊል ትከረዐ። ሐቆ መደት ላኪን እግል ገበይ ለለአምሮ ገበይ ዲብ መረሐ ሕሊል ርሒብ ተዐዲከ። ጋድሞታት መሰባር ወዓለ ጸዕደ ድገለብ ወመብአ ድማን እንዴ አትሊነ እብ ኮር ዕንጀት ረአሰነ ቀይም አሲረርከ። ዕንታትነ ህዩ ዶል እግል በራር ጋድም ወዲብ ከርሱ ለህለ ዐኽክል ወዶልመ ዲብለ ምን ጀህት ምውዳቅ ጸሓይ ለልትረኤ አድብር ክምስል ከረ ቀጣር፡ ደብር እመን፡ ተክል፡ ዐርብ፡ ዐጋመት ዐራተ ተፍሌናይት አስክለ ሕዱድ ኤረትርየ ወሱዳን ለፈንቱ ደብር ደምቡባየት እት ነዐፌ ሐቆ ናይ ሳዐት ሰፈር፡ አዳሕየት ዲብ ድጌ ቅርረ ጠበሽ እምቤ።

ሰካን ቅርረ ልታክዩ ለአስመን ሕሹም ጋሻሁ ክምስል ዓረዩ መንዴረት ዲብ ለአምበልብሎ ናይር ከብቱ ወደው እግልነ። ክሎም አንፋር መሕበር ጀማሪ ቅርረ ክምስል አተው እግል ቀይም ሕርየት እብ ፍንቱይ ህዩ ዲብ መደት እንሰሓብ ዲብ እሊ ባካት እሊ ለሓሰፈው ሐያት ትቅብ ትቤ እቶም ለሓለት ለህ እግል ልሰራብዩ አምበተው። ዕንታቶም አስክለ ወቁል አድብር ተፍሌናይት ወደምቡባየት ዲብ ለአቀምት ህዩ ለሐልፈ መራረት ንዓል ሞሰፈት እሎም። እተ ወክድ ለህይ ዶል ዲብ ሕዱድ ኤረትርየ ወዶልመ አስክ ሕዱድ ሱዳን ዲብ ለአቱ ለዐለ አዋይን ትካዩለ እሎም።

እብ ፍንቱይ ዲብለ መደት ለህ አንፋር ጀማሪ ለዐለዩ አዋልድ አንሳት ምስለ ዲብ ሱዳን ዲብ መደት ሕክም አኑሚሪ ለዐለት ሸሪዐት፡ ወለት አንሰ ግልባብ እግል ኢትቀሰዕ ክምስልሁመ ምስል ውላድ እግል ኢቲጊስ ለመኔዕ ሰበት ዐሉ፡ ለቲለል እግል ምሕርበት አዋልድ አንሳት ጀማሪ ተሐዲ ትሩድ ክምስል ዐለ አለም በላይ ወልዩ ገብረኣብ

ዲብ ዮም እንዴ ገብአዩ ለሓክዩ። እተ ወክድ ለህይ እግል መጋብህት እለ ዳብኢት እለ፡ ለጀማሪ ዲብ ምድር ሱዳን ዲብ ለአቱ እቱ ወክድ፡ ለአዋልድ አክል ሕድ ክምስለ ውላድ ተብዕን ጀላሊብ ሰብተብዕን እንዴ ለብሰዩ፡ ዕማመት እት ረአሰን እንዴ ዐመየ ሰዴሪት እንዴ ለብሰዩ አክል ሕድ ውላድ ተብዕን እንዴ መሰለዩ እግል ለአተላልዩ ለዐለ ንዓል ዝያደት ዲብ ድጌ ቅርረ ምን ትካዩለ እግል ናይለ ወቅት ለህይ ፊቃደህንቱ።

ምን እምሆሚሚ ድጌ ቅርረ ክምስል አቲክ፡ ሐቆ መደት ሐጫር ለሕድ ሰፍሉላም ለዐለው ሰካን ቅርረ ወጀማሪ ሳሕል ዲብ ወራይድ ሕድ እንዴ ትለዋለው ሕድ ዲብ ልሰዕሞ “ኣላ.... ደግለልክ ደግለልኪ” ዲብ ልትባህሎ መደት ሐቆለ ጸንሐከ። ሰካን ቅርረ ወጀማሪ ሳሕል ሐቆ መዋጀህት ወመትካም በገሰ አስክለ መቅበረት ምሕርበት ቅርረ ለዐለ እተ አካን ገብኢ። ዲብ ድሞራት ዲብ በጽሐነ እቱ ወክድ ምን መካይን እንዴ ትከፊነ አዋልድ አንሳት ጀማሪ “እግል ሕርየት ሸዐብነ ለአስተሸህደው ሐውነ” ዲብ ነሽደ እግል እብ መልሃዩ ልሄርር ለዐለ ሴር ዝያደት ጀላል ሀቢያሁ። ዲብ ሐረትለ መቅበረት ክምስል በጽሐነ ህዩ ለበርናምጅ እብ ዝክረት ሹህደ ለሕሱብ ዐለ በርናምጅ አምበትነ። ሐቆ እሊ ዱቅሪ ዲብ ተኪል ዕጩይ ሹህደ አቲክ። ምን ዲብ ተኪል ዕጩይ ሹህደ ለሻረከው ምሕርበት፡ ገዲም ነፈር ጀማሪ ሳሕል ለዐለት ናይ ዮም ወዘረት ዐመል ወራዐየት እጅትማዕየት አሰይደ ልኡል ገብረኣብ፡ ሓክመት አቅሊም ቅብለት በሐር ቀዩሕ አሰይደ አስመረት ኣብረህ ወብዕዳም ሻረከው።

ሐቆ ተኪል ዕጩይ ሹህደ ለአተላለ እግል በርናምጅ ለክሰስ ለትፈናተ ሸሬሕ ቀርቤ። አሰልፍ ከሊመት ለአስመዐ መስኡል ዳሕየት ድጌ ቅርረ አሰይድ እድሪስ ሰዲድ ዕመሪት ዓም ተውዴሕ ምስል ዳሕየት ቅርረ ቀደመ። ዳሕየት ቅርረ ሐድ 350 ዓይሊት ለከምክም 4,169 ሸዐብ ኑብር እተ። ምን ከደማት እጅትማዕየትመ 120 መአሰሰት ትጃረት ሐቱ መአሰሰት ዓፍየት፡ ሐቱ መአንብታይት መድረሰት፡ ከደማት ማይ ክምስልሁመ መራክዝ ፖሊስ ወጀዋዛት ክምስል ህለ እተ ሐቆለ ሸርሐ፡ ግራሁ ናይብት መሕበር ጀማሪ ሰሕል ላተ አሰይደ አለም በላይ ሀይፍ ዝያረት ጀማሪ ሳሕል አስክ ሳሕል ሚ ክምቱ ወደሐት። ዲብ ደንጎበ ህዩ ሓክመት አቅሊም ቅብለት በሐር ቀዩሕ አሰይድ አስመረት ኣብረህ እብ ሰበት ምዴርየት ቅርረ እብ ዓመት ተውዴሕ ሀበት። እምበል እሊመ ምን ሰካን ቅርረ ለትፈናተ ረአይ ዲብ መናሰበት ትቀደመ።

ለዲብ መትመሚህ መናሰበት መሕበር ጀማሪ ሳሕል እግል ጠወሮት መቅበረት ሹህደ ቅርረ ለልውዕል 10 አልፍ ነቅፈ ልትበረዕ እት ህለ። እብ ሰሚት ዐሰከርያይ ስለለ ናይለ ድሞራት ህዩ 5 አልፍ ነቅፈ ትበረዐ።

ሐቆ እቅባለት ምን ድጌ ቅርረ አስክ እምሆሚሚ አንፋር ጀማሪ እግል እምቡታሙ ለዐለው ለኢትከለሰ

በርናምጅም እንዴ አተላለው፡ እግል መሕበር ለትመርሕ 13 ለአንፋረ ቦርድ ወመመቅረሓይት ልጅነት እንዴ



አንፋር ጀማሪ ሳሕል ዲብ እምሆሚሚ




አንፋር ጀማሪ ዲብ ድጌ ቅርረ



አሰራር አስክ መቅበረት ምሕርበት





ወጠንያይ ጅግረ ሕማሴ ወጅላብ ገብአ

ሰሐፊ፡ ሙሴ ገብረአብረ-በረ
ሰወር፡ ክብርም ጸሃዬ

ወጠንያይ ጅግረ ሕማሴ ወሰናብክ፡ ለሐልፈ ሰነብት እት ሚነት ባጽዕ ገብአ። ሰንበት ንኢሽ 4 ኖቨምበር ክልኤ ጅግረ ገብአዮ። እት ጅላብ ሰንበት ምንተሐት 50 ሰነት መትባደረት ሐቲ ኪሎምትር እት ልሄርሮ፡ ሰዓድ 0-ሰማን እብ8 ደቂቀት፡ 26 ካልኢት 53 ካልኢት ንኢሽ፡ አወላይ ፈግረ። መሐመድ እድሪስ ዐብዱ እብ 9 ደቂቀት 10 ካልኢት ወ29 ካልኢት ንኢሽ ካልኢይ፡ ምሉኒታ አለም ህዩ ሳልሳይ ደረጃት ጸብጠ።

ሰለሰ ኪሎምትር ለገልበበ ጅግረ ማራቶንም ነፍሰ ለዕለት ጋብእ ዐለ። እት ፍንጌ ክልኤ መጅሙዐት ለገብአ ብድረ፡ እት ምንተሐት 18 ሰነት፡ ኖህ ሳምኤል እብ 46 ደቂቀት ወ21 ካልኢት እት ልትወወት፡ ቅዱስ ብርሃኔ ወአማንኤል ነቢ ህዩ፡ ደርቡ አተው። ምን ዐባይ ህዩ፡ ሰለሙን እዮብ፡ ሮቤል በረከት ወመሐመድ ዮሰፍ እት መሬሕ አወላይ አተ።

ሰንበት ዐባይም ምን ገጽ ምሴመ አተላላይ ጅግራላ ሕማሴ፡ እት ድዋራት ሆቴል ፊድሲ ገብአ። እስልፍ ውላድ 9-10 ሰነት ዓማር፡ እት 50 ምትር እት ወደወ ጅግረ፡ ዳይሞን ቴድሮስ እብ 40 ካልኢት ወ53 ካልኢት ንኢሽ ተወወተ። ዮናታን በርሄ ወአቤል መድሃኔ ህዩ ደርቡ ካልኢይ ወሳልሳይ ትረተበው።

ምን ዓማር 11-12 ሰነት፡ አወላይ አማን እድሪስ፡ ካልኢይ ሰነድ ጸጋይ ወሳልሳይ ማታን ዘከርያስ ተወወተው። ምን 13-14 ሰነት ለዓማርም፡ እት ሕማሴ ጥልቅት ናይ 100 ምትር፡ ቶማስ ሚክኤል እብ 1 ደቂቀት፡ 27 ካልኢት ወ47 ካልኢት ንኢሽ ሰልፍ እት ለአቲ፡ አሰሩ ነሲብ መንሱር ካልኢይ ወሄኖክ ሳምሶን ሳልሳይ አተው። እት ናይ አዋልድ ነፍሰ መሳፊት ጅግረ ሕማሴ ሱፍና ዳንኤል፡ ደሊና ምክኤል ወምስጋና ነቢ እብ ሴር ደርብ ሕድ አተዮ።

ምን ዓማር 15-17 ሰነት እት 200 ምትር ሕማሴ ጥልቅት፡ አማንኤል ነቢዮ አወላይ፡ ደርቡ

ቅዱስ ብርሃኔ ወሬልሞን አሰይ ተወወተው። ባና ወልደገብሪኤል፡ ቅሳነት ተሰፋይ ወሊድዮ ፍጹም ህዩ ምን አዋልድ እት ነፍሰ ለመሳፊት ለትወወተዮ ተን። እት ሕማሴ ግፍቱእ (Breast stroke)፡ ኖህ ዮማኔ፡ አማንኤል ነቢዮ ወኤርድ ኤፍሬም ተወወተው።

እት ናይ መትከባባት ሕማሴ (አርበዕ ጅንሰ ሕማሴ ምሰል ለሐየባ ቱ)፡ ምን 15-17 ሰነት እት 200 ምትር እት ልትጃገር፡ አማንኤል ነቢዮ በድረ። ኖህ ዮማኔ ወቅዱስ ብርሃኔ አሰሩ ተለው። ምን አዋልድም ባና ወልደሚካኤል፡ ቅሳነት ተሰፋይ ወአርያም አድሐኖም እንዴ ትዋሴ ሰልፋይት ዔረት።

እት ናይ 200 ምትር ሕማሴ ጥልቅት ዕምር 18 ሰነት ውላድ፡ ልጃም በዩ። ሰለሙን እዮብ ወካኩብ አብረሃ ደርብ ሕድ አተው። እት ሕማሴ ግፍቱእ፡ 200 ምትር ሳምኤል ተሰፋ እት በድር፡ ሰለሙን እዮብ ወመሕሙድ ዮሰፍ እብ ናይ ካልኢት ፍንቲት ደርቡ አተው።



እምበል እለሙ፡ እት ነፍሱ ለዓማር፡ እብ 400 ምትር ሕማሴ መትከባት፡ ሰለሙን እዮብ እብ 7 ደቂቀት፡ 16 ካልኢት ወ74 ካልኢት ንኢሽ ድሮዕ ሰርገል ሰጅለ። ናታን ወልደሰላሴ፡ ወመሕሙድ ዮሰፍም ናይለ መርሐለት ደርቡ ለትወወተው ቶም።

እለ ክእነ ዲብ እንቲ፡ ወጠንያይ ፈሪቅ ሕማሴ እንዴ ወከለት ዲበ ምን 23 ሰሰክ 26 ኖቨምበር እት ርዋንዳ ለገብእ ጅግረ

ሕማሴ ክም ትሻርክ ምን አዜህ እትእምርት ለህሌት ሻቦት ሄርሚላ ንጉሴ፡ እግለ ሰጅለቲ ለሸፍገ ቅያስ በሀለት 35 ካልኢት እግል ትድመን፡ እት 50 ምትር በይነ ሐመሰት። አዜመ ለወክድ፡ እግል ትድገሙ ኢተከለት፡ ምን ብዝሓም መትፈርጀት ህዩ ተሰጃዕ ረክበት። ኩሎም ናይ ሕማሴ መትጃግረት ናይ መዳልያት ወማል ጀዋእዝ እት ነሰኦ፡ ናዲ መረብ-ሴቲት እግለ ሻረከው አንፋሩ ናይ አላት ተሰጃዕ ሀቤ።

ብድረ ወጅላት ክራይቴርዮም አስመረ እት ጸባብ ቲሐ' ና



ጅግረ ክራይቴርዮም አስመረ እት ዮም 5 ኖቨምበር ዲብ ሻሬዕ ሕርየት -አስመረ ገብአ። ሐቲ ዱረቱ 2.4 ኪሎምትር ለዐለት ጅግረ፡ መትጃግረት አወላይ ዲቪዝዮን እት 80 ኪሎምትር አርበዕ ሾላት ዲበን ትጃገረው።

እት አወላይት ሾላት፡ አወላይ ሚልክያስ ማእከሌ ምን አሰቤኩ፡ ካልኢይ ናሆም መንገሻ ምን ኤራቴል፡ ሳልሳይ ናሆም መኮሃን ምን ደንደን፡ ራብዓይ ዳንኤል ይሕደጎ እብ ብሕቶት፡ ውሓምሳይ አክሊሉ ገብራሂወት ምን ሰምበል፡ እንዴ ተወወተው ንቀጥ ከሰሶ እት ህለው። እት 40.8 ኪሎምትር ዱሊት ለዐለት ካልኢይት ሾላታመ ሚልክያስ ማእከሌ ምን አሰቤኩ ተወወተ። ካልኢይ ዳንኤል ይሕደጎ እብ ብሕቶት፡ ሳልሳይ ናኦድ ብርሃኔ፡ ራብዓይ መዋእል ግርማይ ክልኢቶም ምን ደንደን፡ ውሓምሳይ ህዩ ሄብሮን ብርሃኔ ምን ሰምበል ተወወተው።

እት 61.2 ኪሎምትር ሾላት እት ህዩ፡ ምን ፈሪቅ ሰምበል አክሊሉ

ገብራሂወት ተወወተ ዲበ። ናሆም ገዛኢ እብ ብሕቶት፡ አሌክሳንደር ኢሳቅ ምን አሰቤኩ፡ ፋንኤል ሐይልኦብ ምን ሰምበል፡ ዳንዮም ፍጹምብርሃን ምን አሰቤኩ ህዩ ምን ካልኢይ አሰክ ሓምሳይ ለአተው ወንቀጥ ለጃቀፈው ዐለው።

አክራቱ ህዩ ዳንዮም ፍጹምብርሃን፡ ሚልክያስ ማእከሌ፡ አሌክሳንደር ኢሳቅ ሰልሴቶም ምን አሰቤኩ፡ አክሊሉ ገብራሂወት ምን ሰምበል፡ ናኦድ ብርሃኔ፡ ሳሙኤል ገብሪት፡ ወመዋእል ግርማይ ሰላሴቶም ምን ደንደን ህዩ ለሰሶ ሰልፋያም ዕዉታም ገብአው። እብ ክእሉል ንቀጥ ምን ክሎም ዕዉታም ክራይቴርዮም አስመረ 2023 ህዩ፡ 1ይ ሚልክያስ ማእከሌ ምን አሰቤኩ፡ ካልኢይ አክሊሉ ገብራሂወት ምን ሰምበል፡ ሳልሳይ ዳንዮም ፍጹምብርሃን ምን አሰቤኩ፡ እንዴ ገብአው ጀዋእዝ ማል ወመዳልያት ትሰርገው።

እት መትባደረት አዋልድ፡ እት ገብአት ናይ 60 ኪሎምትር፡ እብ ክእሉል ንቀጥ አድያም ዳዊት

ምን ደንደን ተወወተት፡ ቅሳነት ወልደሚካኤል ምን ሰራይር ሳዋ ካልኢይት ደረጃት እት ጸብጥ፡ ራሄል ዘርእሰይ ምን ደንደን ህዩ ሳልሳይት ዔረት።

ናይ ጃንዩር -ሸክል ጅግረ ወጅላት ክራይቴርዮም እት 60 ኪሎምትር፡ 1ይ ሮቤል ግርማይ ምን ደንደን፡ 2ይ ኤርሚያስ ዐቅባይ ምን ኤራቴል፡ 3ይ ህዩ ኤሰርም ተሰፋይ ምን ኤራቴል ተወወተው።

እለ ክእነ ዲብ እንቲ 'ዩዝ ዳኩር' እት ወደወ ለትረዬሕ ብድረ ወጅላት፡ 1ይ ኪሸን ተክሌማርያም ምን አሰቤኩ፡ 2ይ ንፍታሌም ኤፍሬም ምን ኤራቴል፡ ወ3ይ አዶናይ ቃልኦብ ምን ፈሪቅ ናትና ተወወተው ከመዳልያት ወሰላዲ ተህየበው።

ማውንቴን ባይክ ዕምር 13-14፡ 1ይ ሻሎም አለም ምን ትጽቢት፡ 2ይ ሴም ህይሌ ምን ሳሊና፡ 3ይ ሄኖስ ግርማይ ምን ገጃረት ቶም። ምን ዓማር 15-16 ሰነት ህዩ፡ 1ይ ሳሙኤል ዮውሀንስ፡ ካልኢይ ሳሚክ ሰመሬ ክልኢቶም ምን ትጽቢት፡ 3ይ ዮናታን ተሰፊት ምን ሳሊና ልትወወቶ እት ህለው፡ ምን አዋልድ አወላይት ሲዶና ሀብቶም ምን ሰራይር ሳዋ፡ 2ይት ራሄል ዐቅባይ፡ 3ይት አርሲማ ዐንደጼን ክልኢተን ምን ሳሊና ደርብ-ሕድ መነሰት (ፓድዩም) ዐርገዮ።

ምን ዓማር 17 ሰነት ወምለዐሉ፡ አወላይ መድሃኔ ዘርኢት፡ ካልኢይ አሚናዳብ ወልደዮውሃንስ ክልኢቶም ምን ፈሪቅ ትጽቢት ወሳልሳይ ዮቤድ ኤፍሬም ምን ጎዳይፍ ክም ተወወተው፡ ፊደራሽን ጅግረ ወጅላት አቅሊም ምግብ አከደ።

ምናተ፡ ፊደራሽን ጅግረ ወጅላት አቅሊም ምግብ፡ እለ ጅግረ ዲብ ጸቢብ ሸዋሬዕ እግል ልግበእ ቀረርቱ ብዝሓም ለአትፈከረ ጋር ዐለ። ሻሬዕ እብ ኮኖ-ፕላስቲክ እንዴ አትጫብብክ ለገብእ ጅግረ ሸፋገት፡ እግለ መትጃግረት እብ ወጅላትኩም ወኖሰኩም ረአሰ-ሕድ ትጸዐኖ ከትሳበሮ ትብሎም ህሊከ

ለልአተምሰል ቱ። ሸዋሬዕ አስመረ፡ ፋዩሕ ቱ፡ ክራይቴርዮም ኢኮን፡ ብዕድ ጅግራታትመ ለጠወረ ሸዋሬዕ ቱ። ኤረትርዮ እብ ወጅላት ለአሰማመ እለ ሸዋሬዕ እለ ቱ። ላኪን፡ ፊደራሽን ወጅላት አቅሊም ምግብ፡ አውለውየት መንገፎ መትባድረቱ እግል ልሕሰብ ኢቀዳሩ፡ ሚ ጀሬት ዲቡ ከንዶእ!

ሾሊቦል፡ ደምቤ ሰምበል እብ ውላድ ወአዋልድ ልትወወት

በቃዐት ፍረቅ ሳልሳይ ዲቪዝዮን ሾሊቦል አቅሊም ምግብ፡ ቅሩብ ካቲማሁ እት በጽሕ ዲቡ ወክድ፡ ሰነብት ጅግራታቱ አተላለ።

ሰንበት ንኢሽ ፍረቅ ውላድ ባህግና ወደምቤ ሰንበል ለወደወ ትልህዮ፡ መትፈርጀት ለረይሐት ወመጃገረት ድቅብ ለትረኤ እት ዐለት። እት አወላይ ሾት ባግና 25እብ16 ቀልበው። እት ካልኢይ ሾት ላኪን ደምቤ-ሰምበል አክጣኤም እንዴ ሰይሐው ሰበት አተው፡ 25እብ22 ቀልበው ከትዓደለው።

እት ሳልሳይ ሾትመ፡ ደምቤ-ሰምበል 15እብ12 እንዴ ቀልቤ፡ እግል መአይደቱ ሐሊብ አሰተ።

እምበል እለሙ፡ ምን ትልህያታት አዋልድ ሄለል ሰብተምበር ወአዱሊስ እት ልተልህዮ፡ አዱሊስ 25እብ20 ወ25እብ23፡ ፍገሪት 2-0 ወደያህ።

ሰንበት ዐባይመ አዋልድ ሰላም ወደምቤ-ሰንበል ተለህደ፡ አዜመ ደንቤ-ሰምበል እብ አዋልድ 25እብ20 ወ25እብ18 እንዴ ቀልበዮ ፈግረዮ። ደርቦን አዱሊስ ወንሰሪ እት ልትዋጅሁ፡ አዱሊስ 25እብ21 ወ25እብ14፡ ቀልበዮ።



ሕፍረት ጃዝ አርዳዳይ ምድር ሰብብ



እርዳዳይ ምድር ምን ሰነት 2009 እንዴ አንበተ፡ እት እንክር ምውዳቅ ጸሐይ ናይ እለ እዲነ እብ ፍንቱይ ህዩ እት ለትሐደደ ባኑት ናይ አሜሪካ ወሚክሲኮ ለመሰለ ድወል፡ እብ ብዝሐ እንዴ ወሰክ መጽእ ክም ህለ ብዝሓም ሰብ መቅደረት ሸርሐ። ናይ እሊ ጠቢዓይ ብቅት፡ ሰበብ እብ ዋዴሕ

እግል ልትአመር ለቀድር ምንመ ኢኮን፡ ብኣሕሲን ጃምዐት ቴክሳስ ሳኪን እበ ምን አርድ ልትሐፈር ለህለ ጃዝ ወጠቢዓይ ጋዝ እግል ልግበእ ክም ቀድር ለሐብሮ ህለው።

እብ ሰብ መቅደረት ገብእ ለህለ ምን ዕመቅ አርድ ማይ፡ ጃዝ፡ ወጠቢዓይ ጋዝ እንዴ ፈናቴክ

አፍገሮት እብ ለትጠወረ አግቡይ ክም ገብእ ቱ ለልትአመር። እተ ለገብእ ድራሳት ምን ዲብ ለትፈናተ አካናት ለሳድፍ እርዳዳይ ምድር ዝያድ 1.5 ፊክተር ስኬል ለቅያሱ 68% እብ ሰበብ ሕፍረት ዲብ ቆሪ አርድ ለልትረኩብ ማይ ለመጽእ ክምቱ ትሸረሐ። ለባሕሲን እግል



እሊ ድራሳት ምን ሰነት 2017 እንዴ አንበተው እብ ዕመቅ ክም ወደወ ህዩ ሐበረው።

“ምን ቆሪ አርድ፡ ጃዝ፡ ወጠቢዓይ ጋዝ ለጽበው ሕፋሰ ፈሻይ እንዴ አሜሪካ እግል ተአፍግር ለትሐልፉ ተዐብ ወመራሕል ሰኒ ብዙሕ ቱ። ሐቆ ክሉ እሊ ሸቅል፡ እርዳዳይ ምድር እብ ብዝሐ ሰበት ሳድፍ ሳኪን ሰበቡ እግል ንድረሱ ብክ እንዴ እንቤቱ ድራሳት አንበት። እበ ሰኖታት ለነሰእ ድራሳት ወብሕሰ

ህዩ፡ ለእብ ሰብ መቅደረት እንዴ ትመረሐ ለገብእ ናይ ጃዝ ወጠቢዓይ ጋዝ ናይ አፍገሮት ሸቅል፡ እርዳዳይ ምድር ክም ሰብብ አክድነ” እት ልብል ዲበ ድራሳት ወብሐሰ ለሻረክ ባሕሰ አሌክስ ጆን ሸርሐ።

እት ደንጎበ ለባሕሲን እርዳዳይ ምድር ጠቢዓይ ሐደሰ ሰበት ገብኦ፡ ሰኒ ድቁብ ድራሳት ወአምር ለጠልብ ቱ፡ ምናተ እሊ ጋብእ ለህለ ድራሳት ዲብ መብተቅበል ባብ ክም ከስት አፍህመው።

ቅያሰ በርህት እት ዓፍየት ዐቅል ለህለ እሉ ተእሲር

እት ጃምዐት መናሽ አውሰትራልዩ እበ ለመርከዞም ባሕሲን እተ ለገብእ ድራሳት፡ እት ወክድ ምሴ እት ውቁል ቅያሰ በርህት መትቀላዕ ዲብ መደረት ዐቅል (ጨቅጥ ሐንገል፡ እኩይ አፍካር ውበዕድ) ክም ለሀርስ ተአክደ። ቅብላት እሊ ህዩ እት ወክድ አደሐ ካፊ በርህት ርክበት እግለ መደረት ናይ ዐቅል መሻክል ክም ልድህሩ እግል ልትአመር ቃድር ህለ።

እሊ አሰክ እለ ምን ለገብእ ድራሳት እብ ኖዕዩቱ ለዐበ ክምቱ

ልትሸረሕ ለህለ ድራሳት፡ 87 አልፍ አንፋር ለአሻረኑቱ ለዐለ። ዲብ ወክድ ምሴ ውቁል ቅያሰ በርህት ለረክቦ አንፋር፡ እግል መደረት ዐቅል እብ 30% ቁልዓም ክምቶም ለባሕሲን ለሐብሮ። ለዲብ መደት አድሐ ጠቢዕያይ በርህት ለረክቦ አንፋር ሳኪን፡ መሻክል ዐቅል እግል ልሳድፎም ለህለ በክት እብ 20% ለነቅሰ ክምቱ ለባሕሲን እንዴ አትለው አሸረው።

እትሊ ወክድ እሊ ለበዝሐ ሸዐብ እዲነ እብ ለትፈናተ አሰባብ

ገሌ ክፋል ምን ናይ አደሐ ወክዱ እት ኣብያት ሐንገቱ ሰኖዒ በርህት ለሓልፉ እት ህለ፡ ዲብ ናይ ሳሊ ወክዱ ህዩ እግል ውቁል ቅያሰ በርህት ለትቃልዓቱ። እሊ አግቡይ እሊ ህዩ እግል ሐንገል ወገሮብ ወድ አዳም ምን ቀደም ረዩም አዝቡን እንዴ ጸብጠዩ ለመጽእ ክልቀት እንዴ በደለ፡ ገሌ አክላጣት እንዴ ከልቀ መሻክል ዓፍየት ለአመጽእ ሀለዮቱ፡ ናይለ ድራሳት ዕመማይ ሐብሬ ህለ። ለባሕሲን ዲብ ደንጎበ እት ወክድ አደሐ ካፊ በርህት፡ እት ወክድ ሳሊ ህዩ ምን ለትፈናተ ኣለክትሮኒካይ አላት (ሞባይላት፡ ታብሌት፡ ላፕቶፕ ኮምፕተራት፡ ተለሺዝዮናት ውበዕድ) ለፈግር ሕብር ሰመ ሳቱ በርህት ርክበት፡ ዲብ አንቀሶት አሻይር መሻክል ዐቅል ዶር ዐቢ ክም ህለ እሉም ወደሐው።

10 ፍንቲት ስወር ሕዘው

Find 10 differences.

ባህል እመራም

- “ግሉል እግል ነፍሱ ክም ዓቅል ለሐሰበ እት ህለ፡ ለዓቅል ሳኪን እግል ርሐ ልሰዕ ክም የዓቅል ውበዙሕ ክም ተርፍ ምት ቱ ለልኣሰእለ።”
ዊልያም ሼክስፒር
- “ለበርህት ለልህይብ ሺእ እግል ልንደድ ህለ እሉ።”
ሼክስፒር ፍራንክል
- “ሕሩይ ነፈር እግል ትግበእ ሕሩይ ነበሪት ብልዐት እንዴ ኢገብእ፡ ሕሩይ አፍካር ወአህዳፍ ሀለዮቱ።”
ለኢትአመረ
- “ሐቆ እለ እት ኢጀረቦት ኢገብእ ምንገብእ ፈሸል ኢህላኒ።”
አልቤርት ሃባርድ
- “ወዲቅ ጸልዐት እንዲኢኮን ሞት ኢኮን።” ጆን ሲንክለር
- “ምን ፈሸልክ ደረሰክ ምንገብእ እብ አማን ኢትወድቅኒ።”
ዚግ ዚግላር
- “እት ፈዳእ አሳሲ ጋራት አቶም ወበሕ ሀዋቱ፡ ለተርፈ ክሉ ህዩ ሳብት አፍካር ሌጣቱ።” ደሞክራቲስ

ሳድሰ ወራር እብ ካርቱን

ዲግናቱ ሐምሳ ዶም ሐርጦ ባህላት (ምን ዶም 13-22 ናቱ ወርጓ 2) ነጹ ለልሐ ወ ጉሊሪት ጀንደራደግ፡ ምን ኣሳት መናደሊግ ርሐ እግል ልንጂ ሀርብ። እጹ ሐሪት እግል ልህፂም ጽርግፍ ጳንደደጠኢ ነሊን እግል ሊጂ ለትጠገሳ ቅሬል ደገ 24 ህዬ፡ ሸቅሉ እንደጠጠቀ እኑ ሰዓፋት ናቱ ኗጺ ለሀርብ ጸጠን ቅሬል ደገ 21 ገጠኡ።